

Kika Mupashi

Wazhila Xyo Apanyijilwe?



Mwamona, Mulongo Neville waketekela mu kubikapo maboko.

Namona Njina mepuzho avula. Pano, Amiwa nkeoba keesha bufuku, mambo kechi Njipo na kimye kya kwimupichilamo bufuku bunu ne, kapepo pa Mbila ya bufuku bwapita. Pano, inge muntu umo uji na jipuzho pa Mbila, jibikaitu bufuku bumo, kabiji Nakonsha kwiatola bufuku bwalondelapo.

² Pano, keesha bufuku Nasaka kutana, nangwa kwikala, nangwa byonkabyo, bamwingilo bamo, inge kyakonsheka; inge ne, bamo bawama, baimana banabalume nangwa banabakazhi bo twakonsha kwita mu kimye kya kukabila, kyakuuba mba umvwe kyamweka . . .

Keesha bufuku tukatatula, panyuma ya Mbila, ke kubika maboko, kabiji, a Mupashi Wazhila. Kabiji pano, kukekala . . . Anweba muji na jishuko ja kwikala monka muno inge mubena kukeba, mu moba onse a kukokoloka, inge kyakonsheka kusenda kimye kyabaya byo byo pakuuba mba ufwe. Kabiji pano—nanchi, inge ne, inge mwakeba kuya ku nzubo yenu, kika, twafwainwa kwikala bingi na lusekelo, inge mwakonsha kufika pantu pamo pomwafwainwa . . . Kechi twayukatu kwakuya ne . . .

Tubena kukeba kutola bamingilo bamo, ma nambala abo, inge benyi; manambala abo, konka ko babena kwikala, pakuuba mba twakonsha kwibamona bukiji bukiji; ne kutwala umo mu nzubo imo, umo mu ikwabo, kabiji mu ikwabo, pa kuuba mba bemulondolwela mwakubila, anweba mubena kukeba ao mapesho akatampe o tubena kwambapo, lubatizhilo lwa Mupashi Wazhila.

³ Bufuku bwapita twaambilenga pa, “kyajinga Kika.” *Mupashi Wazhila Ye Muka?* Kabiji Twikitana mba ke bintu byonsetu, abyo Lesa byo alaile kwi atweba. Uu-uu. Mwi Akyo twatanamo kyonse kyakonsha kukeba Kipwilo kya Lesa. Twatana kuuba mba Ke katetesho, Nkwasho, kukokoloka, kabiji ne lusekelo, ne mutende, kabiji ne lusanguko. Kabiji byonse Lesa byo alaile ku Kipwilo Kyanji, biji monka mu Mupashi Wazhila.

⁴ Kabiji pano, bufuku bunu, twasaka kusapwila pa, nangwa kwamba pa, kufunjisha pa . . . Njina pepi nobe bisatu nangwa foolo bipepala byanembwa papo, nangwa Binembelo, Bijipo, amo muji . . . Bufuku bwapita Nanshile Kuludeni Konkondasi waikala papo, kabiji kechi Namutana ne. Kabiji Najikupitamo monka mo Nayukila kuuba leelo na Binembelo. Pano, kabiji

keesha...Bufuku buno tusa kufunjisha pa: *Wajinga Ng'anyi Muvingilo Lesa Kyo Atumijile Mupashi Wazhila?* Wajinga Wa byepi? Inge Ke kintu kikatampe bingi, nanchi kika Lesa kyo Amutumijile?

⁵ Nanchi, keesha bufuku twakeba kwamba pa: *Bushe Ke Wenu nyi?* kabiji *Anweba Mu Mutambula Byepi?* kabiji *Anweba Muyuka Byepi Amba Muji Naji?*

Kabiji pano, panyuma yakupita mu byoabyo, na Binembelo, ne kwi kilondolola mu Binembelo, kwingijisha Binembelo mu bintu byonse, nanchi aba babena kukeba Mupashi Wazhila bakeya kulutwe. Kabiji nanchi Naketekela mba kusangululwa kukekela konka kufuma pa kyokya kimye, ke kuyatu kulutwe na Mupashi Wazhila.

⁶ Pano, mambo akuuba mba bavula keesha bekekala bazhindama mu bibamba bya kipwilo, Naumvwa kuuba mba inge twakonsha kwikala na ba miingilo bavula kabiji aba bantu bapijilwa kutangijila bantu mu kutambula Mupashi Wazhila, na kwibatundaika, kuya ku nzubo na—na mwanamukazhi ne mulume wanji, nangwa—nangwa na umo ubena kukeba Mupashi Wazhila, awo wabulwa bulongo pa byakuuba.

Inge mwakonsha kupana nambala ya foni wenu nangwa keyala ku ba kafunga, bufuku buno nangwa keesha bufuku. Panai kwi Mulongo Neville, nanchi akyo kyakonsha kusambaka mu mpwijilo. Panaitu nambala wenu wa foni apo po twakonsha kwimutana. Kabiji mwaamba mba, “Amiwa katanwako, kabiji inge atweba...mubena kukeba nkumbika mu nzubo.” Inge uji—uji mwanamukazhi bunke, nanchi twakonsha kutuma mwanamukazhi, monai, ku yuwe mwanamukazhi. Kabiji nanchi, inge kiji mu nzubo muji mwanamulume ne bakazhi banji, kika, twakonsha kutuma wa mwingilo.

Kabiji twakonsha kwikala balusekelo umvwe mwaikala balumvwang'ano, mambo Nayuka byo muji, bonsetu, mwatemwa kikyeye, akye kikabilwa bingi. Kabiji vulukai, “Aye upulusha mweo kufuma ku bilubo byanji, uvwetwa pa bubu bwavula bingi.” Mwamona? Kabiji Musongwa wa Kilishitu uji nazala ne kilaka. Uji mu bisanso, bya kusema baana bakwa Lesa.

⁷ Kabiji pano, bufuku buno, kasa tukyangye kutanga Binembelo, twayai tukunyike mitwe yetu tulombe pa kakimye kacheche. Kabiji kasa tukyangye kulomba ne, na mitwe yenu yakunama, mwakonsha kwikala na kyakubila nyi? Sutulaiko maboko enu ne kwamba mba, “Lesi, Nasutula maboko ami. Nji na kyakukabila. Nalomba mba Anweba musakukwasha, Anweba Nkambo.” Lesi emupeshe pa muntu pa muntu. Aye wamona maboko enu. Ba Malaika bamona kala byakukabila.

⁸ Kabiji, Taata Wamwiulu, pano twaiya, kwiya kwi Anweba jibiji mu milombelo. Akyo, kwakubula luzhinawo milombelo ya

panwa ku baana ba Lesa bufuku buno, pa kino kifulo kicheche, ne nyimbo ya imbiwa kala, kabiji twasutula michima yetu mu kusangalala kwa lusekelo lwa kwa Lesa.

⁹ Davida waambile mba aye ukeya mu kipwilo kya bazhijikwa ne bya kukabila byanji bikayukanyikwa. Kabiji bufuku buno, muji maboko avula bingi. Kapepo, kape, Nakonsha kwamba mba, eite pasenti yaboba baikala mu kino kishimikwa bufuku buno basutula maboko abo abya kukabila. Kimweshatu, Nkambo, amba kechi twakosha kuya kwakubula Anweba ne. Twafwainwa kwikala Nenu, juba pa juba. Anweba yenu Bumi bwetu, lusekelo lwetu, bututulu bwetu, bulume bwetu bwitutwala palutwe, bwikalo bwetu, lushijilo lwetu, jikebo jetu ja balwanyi.

Kabiji atweba kechi twakonsha kulwa ino nkondo ya bumi kwakubula Anweba ne. Kyakonsha kwikala kyabula kukosheka atweba kwi kyuuba, kabiji twafwainwa kukoselatu mwi Anweba. Mambo, twayuka mba tubena kwenda kupita mu mfishi ne ntanda yachepa. Kumbaji yonse mulwanyi witwimena, na kwitunta mafimbo ne tukose. Mashinda etu, Nkambo, ayulwamo tukose twa mulwanyi, mu kwitutwala mungi.

¹⁰ Kabiji atweba, ne atweba, twayuka, kumpelo ya lwendo kwalepa bingi, kipachiko kya kivule kitelwa mba lufu kyo twafwainwa kwendamo. Anweba Nkambo, ng'anyi wakonsha kukwata maboko etu pa kyokya kimye? Pano twakeba kwimuyuka Anweba, Nkambo. Tubena kukeba kuyuka mba Anweba muji na maboko etu, kabiji tuji na kuboko Kwenu, pakuuba mba twikale na luketekelo lwakosa kya kuuba mba inge twafika ku kyokya kimye kikatampe kyapelako kya bumi bwetu, amba tutwele pa kyokya kibelo kyatelwa mba lufu, pakuuba mba twakonsha kwambila pamo na wazhijikwa wakala mba, "Namuyuka Aye mubulume bwa lusanguko Lwanji, kabiji Nayuka mba Aye byo aketa, Amiwa kafumamo mu bafu."

¹¹ Pano, Taata Lesa, twalomba mba Anweba musa kupesha bya kukabila byetu. Peshai Byambo Byenu. Kabiji inge Nakonsha kwamba kiji kyonse kyapusanako na Kyambo Kyenu nangwa mba kyaswa muchima Wenu, Anweba mukiji na bulume bwa kushika kyatunwa, byonka byo Mwaubile mu jiyengo ja mabokwe kimye Danyela kyo ajingamo. Kabiji twalomba, Nkambo, amba Anweba musakunshikula matwi ne michima bufuku buno, amba, ne kulenga zala ne kilaka mwi abo. Balekai bekale na kilaka kyabaya bingi kyakuuba mba kechi bakonsha kulala nangwa kukokoloka ne, nangwa pachechetu ne, posotu Nkwasho waiya.

¹² Twaketekela mba tubena kwikala mu moba apelako, mu kivule kya Kwiya Kwanji. Kabiji ao ma Mbila ko atala, Nkambo. Ke kya bantu mba bekyumvwe, bamonepo lujimo. Kabiji lekai, bufuku buno, tufumyemo lumpolopolo, ponka pano, ne

kumubika ku lubaji lwa mbechi, amba, “Nkambo Lesa, Amiwa ne pana kwi Anweba. Lekai Mupashi Wenu apite mwi amiwa. Mbumbai ne nkundenga monka mwaila muchima Wenu. Amiwa kapana muchima wami, bulume bwami, mu byonse, ku kyaswa muchima Wenu.”

¹³ Tumvwai atweba, Nkambo. Atweba kechi tuji kuno amba betumone ne, pa buno bufuku bwa mvula. Atweba kechi tuji kuno na mambo a kubula kutu kwa kuya ne. Tuji muno na mambo a kimye kyanema, kyazhila, kintu kyazhila kyaimikwa mu michima yetu, ko kuuba mba, kubwela kwipi ne Anweba, byo twayuka mba Mwalaila mba umvwe twabwela kwipi ne Anweba, Anweba mukabwela kwipi ne atweba. Kabiji oene mambo kyo twaikela muno. Aye wiya na nzala kechi ukafumamo na nzala ne. “Batokwa baumvwa nzala ne kilaka kya bololoke,” byo aambile Yesu, “mambo bakekuta.” Kabiji umvwe twaipuzha shinkwa, atweba kechi tukatambula jibwe ne. Tuji nalolo luketekelo. Kabiji umvwe twaipuzha masabi, kechi tukatambula muloolo ne. Bino, Lesa Taata wetu usakwitujisha na Manna a Mwiulu, Kyambo Kyanji ne Mupashi Wanji upana lushimuno pe Aye. Nkumbulai ku milombelo yetu, Nkambo, kabiji ne byakubila byetu, byo tubena kupembelela pe Anweba. Mu Jizhina ja Yesu Kilishitu twalomba. Amena.

¹⁴ Bino, anweba mubena kulama bibye Binembelo, inge mwakonsha kuzhikula pamo ne amiwa mu Yoano Wazhila jibiji, kyapitala kyabu 14. Tubena kukeba kutatwila pa kyapitala kyabu 14 wa Yoano Wazhila. Kabiji twayai tutatwile nobe pa veeleshi wabu 14, Yoano Wazhila 14:14, kabiji kutanga kibese kya kikye Kinembelo. Pano, mu kikye musakutanamo bintu byavula byo Mbena kukeba kwambapo bufuku buno.

¹⁵ Kabiji vulukai, anweba muji na Baibolo uji na manembo-achila, aji mu kichila, akye ikyo. Ke Byambo Yesu Ayemwine byo aambilepo, nanchi twakonsha kuketekela mba kyakonsha kwikalatu monka mo Aambijile. “Meulu ne ntanda bikapita, pakuuba Kyambo Kyanji kechi kikankakalwa ne.”

Pano tusakutanga mu veeleshi wabu 14 wa kyapitala kyabu 14.

*Inge mwaipuzha kintu kiji kyonse mu jizhina jami,
Amiwa ke kyuba.*

Ke mulaye wapeshiwa bingi!

*Inge anweba mwaitemwa amiwa, lamai mikambizho
yami.*

*Kabiji Amiwa kalomba ba Taata, kabiji abo bakemupa
Kwashi mukwabo, amba aye ekale ne anweba myaka ne
myaka;*

*Ye Mupashi wa bukine; ne bapanopantanda kechi
bamutambulwila ne, mambo kechi bamumona ne, . . .*

Pano, anweba byo mubena kutanga kufuma mu Baibolo waki Ngiliki, mwakonsha kwikimona mumwe, kechi... *Monai* apo kyalumbulula mba “kukwatakanya.” “Mambo ba panopantanda kechi bamuyuka Aye ne.” Akyo kechi kyakine ne. Lekai ne kitange ne jikwabo.

Ye Mupashi wa bukine; aye bo...bukine; ao bapanopantanda kechi bakonsha kumutambula ne, mambo kechi bamumona aye ne, nangwa kumuyuka aye ne: pakuuba anweba mwamuyuka; (Ng’anyi? Aye Nkwasho.) mambo aye wikala nenu ponkapano (kintu kijipo),... aye wikala ne anweba, kabiji ukekala monka mwi anweba.

Ye Muka? Aye yenka Nkwasho.

Amiwa kechi nkemusha kwakubula kwasho ne: Ami...

Muntu yense wayuka mba “Amiwa” ke ng’ambilo ya kutazha kumuntu.

... Amiwa keya kwi anweba.

Pa kiji pacheche, ne ba panopantanda kechi bakamoona jibiji ne; pakuuba anweba... mukamonanga: mambo Amiwa njina bumi, ne anweba mukekalinga nabo.

Pajoja juba po mukayuka mba Amiwa nji mwi Bataata, ne anweba mwi amiwa, kabiji Amiwa mwi anweba.

Apo popasakwila pakachi ka milanguluko yami, bino tusakutanga kuyako palutwe. Lekai tange kyokyo pano, ne jikwabo.

Pa joja juba (juba jikatampe, juba ja buchibishi bwamambo), aja juba mukayuka mba Amiwa nji mwi Bataata, ne anweba mwi amiwa, kabiji ne Amiwa mwi anweba.

Awa uji na mikambizho yami, ne kwiilama, iye watemwa amiwa: kabiji ne yewa watemwa ami bakamutemwa kwi Bataata, ne Amiwa nkamutemwa, ne kwimweshwa amiwa mwine kwi aye.

Yudasa wamwambile mba, kechi Isakalyota ne, Nkambo, mambo ka o mukemweshwa kwi atweba, kabiji kechi ku bapanopantanda ne?

Kokuba mba, *kosmos*, yo “ndoonda ya panopantanda.” Inge muji na byanembwa kwapela buuku, mwakonsha kumona. Wami ke “g,” kabiji kyaamba papo mba, “*kosmos*, nangwa mba tanchikilo-ya panopantanda.” Abya bipwilo, ne bikwabotu, mwamona.

. . . mambo ka o mukemweshesha anweba bene kwi atweba, kabiji kechi kwi abo ne? Mwakonsha kwi kyuuba byepi Anweba?

Yesu wakumbwile ne kumwambila mba, Inge muntu watemwa amiwa, aye ulama byambo byami: (amena) ne Bataata bakamutemwa, kabiji ne atweba tukeya kwi aye, ne kwikala monka mwi aye.

Awa wabula kntemwa kechi ulama byambo byami ne: . . .

Mwakonsha kulama byaamba kipwilo; bino kana kulama kwamba Kwanji, mwamona.

. . . kabiji ne byambo byo mwaumvwa kechi byo byami ne, kana Bataata bonka bantuma.

Bino bintu Amiwa ne mwambila byo nkiji nenu, byo kiji nenu.

Pakuuba Nkwasho, ao ye Mupashi Wazhila, ye bakatuma Bataata mu jizhina jami, aye ukemufunjisha bintu byonse, kabiji ne kuleta byonse bye bintu (ko kuuba mba, Byambo Byanji) ye ukemuvulula bintu byonse, byo Naamba kwi anweba.

Kika Lesa kyo a tumine Mupashi Wazhila nanchi? Lekai Aye abikepo mapesho Anji pa Kyambo Kyanji.

¹⁶ Yesu waambile, mba, “Pajoja juba po mukayuka mba Amiwa nji mwi Bataata, ne Bataata baji mwi Amiwa; kabiji anweba. . . Amiwa nji mwi anweba, kabiji anweba muji mwi Amiwa.” Pano, inge twakonsha kwamba kikye. . .

¹⁷ Pano, vulukai, akye kisakwikala pa tepu.

Amo Mwinakilishitu musulu, wa ku Louisville, waji kungita mu kimye kicheche kyapitapo. Kabiji aye waambile, “Ke kintu kyabuvu, Billy, amba aye Mbila, nobe byo waji kwamba bufuku bwapita, kechi ifika ne ku foote sauzande ne mukifulo kya baji aduleendi fifite, nangwa tuu aduleendi, bantu fiili adulendi pa tabbanako wenu mucheche.”

¹⁸ Naambile mba, “Mwane, bang’ondo sikisi kufuma pa kino kimye, inge Yesu wabanda kwiya, ntanda yonse bakomvwa kikye.” Mwamona?

Awo matepu aya mwaya ntanda, monai, kuzhokoloka konse. Kabiji, onkao mambo, tubena kufunjisha kuno byonka byo twaketekela mba bya Bukine, kabiji twatana kuuba mba Lesa wikikajika kwi atweba pakuuba mba twikale Bukine.

¹⁹ Pano, kine kintu, kyajinga kika—kyaji kika kyatumijile Lesa Mupashi Wazhila? Pano, Nakonsha kubika kiyukilo pa kyokyo, Yoano 14, kutatwila pa veeleshi wabu 14, kabiji kutanga kupita mu kyapitala, pa kutatwila ndoonda. Lesa kukeba kwanji, twatana kuuba mba, pa kutuma Mupashi Wazhila, kyajinga

kintu kimo, amba Lesa Ayemwine wafwainwa kwikala mu Kipwilo Kyanji ne kutwajijila mutanchi Wanji monka mu kipwilo.

Amba, Lesa wajinga mwi Kilishitu, nakutwajijila mutanchi Wanji mwi Kilishitu; kufuma kwi Kilishitu, kuya mu Kipwilo, na kutwajijila mwingilo Wanji monka mu Kipwilo.

²⁰ Bino, twayuka Mupashi Wazhila byo aji. Twatana kuuba mba, bufuku bwapita, amba Ye Lesa.

Pano, inge nalanguluka pa Lesa, Taata, nobe Yesu byo aambile papo, Ba Shanji; Lesa, Mwaana, ye Yesu; Lesa, aye Mupashi Wazhila, nobe byo Tutela leelo, pano, akyo kechi kyalumbulula mba kuji basatu baimana pa bunke, ba Lesa baimana pa bunke. Kyalumbulula mba kuji Lesa umo muma ofweshi asatu.

Lekai twikyambe muyuwe musango. Byonse Lesa byo ajinga, Aye waitulwijile mwi Kilishitu, mambo Aye wayitulwile Ayemwine ne Kwiyitulwila mwi Kilishitu. “Kabiji Kilishitu wajinga kuyula konse kwa Bulesa mu mubiji.” Byonse byajinga Yehoba, Aye wayitulwijile mwi Kilishitu.

Kabiji byonse Kilishitu byo ajinga, Aye wiyitulwijile mu Kipwilo; kechi mu muntu umo ne, kana mu Mubiji yense. Amwa, mo motwishila pamo na kukwatakana, tuji na Bulume. Byonse Lesa byo ajinga, byajinga mwi Kilishitu; kabiji byonse Kilishitu byo ajinga, biji mwi obewa.

“Mambo Lesa walengelwe ke muntu, kabiji ne kwikala waikelenga muno mwetu.” Mutanshi Timoti 3:16, inge mubena kwikinemba, “Kabiji kyaitabilwatu mba kyafyamika kya bulesa kyo kikatampe: mambo Lesa wa mwekele mu mubiji, kabiji Twamukwachile ne kumukwata. Lesa, Yehoba, walengelwe muntu, ne kwenda pantanda, kabiji Twamumwene Aye na meso etu.”

²¹ Mwayukatu, mu kyapitalatu kimo, kya Yoano 14, Filipa waambile mba, “Nkambo, tumweshai Bashenu, kabiji kisa kwituwaina.”

²² Yesu waambile mba, “Amiwa nabanda nenu anweba, Filipa, kabiji kechi mwanagyuka Amiwa nenyi? Inge anweba mwamona Amiwa, anweba mwamona ne ba Taata. Pano anweba mwaamba byepi byo byo kwi Amiwa mba, “Tubuulai Bashenu?” Lesa walengelwe ke muntu.

²³ Pano kiji bino. Aye Taata wajinga Lesa pe obewa, byo tubena kwamba. Twaikalako kufuma kimye kya kwa Adama. Lesa, Taata, wajinga pe Mosesa kabiji ne baana ba Isalela, mu Mumbulungwa wa Mujilo. Pano, Lesa ne atweba, mwi Kilishitu; waendele ne atweba, waambile ne atweba, wajiile ne atweba, walajile ne atweba. Lesa pe atweba; Lesa ne atweba; kabiji

pano Lesa mwi atweba. Byonse Lesa byo ajinga, byaishile mwi Kilishitu; byonse Kilishitu byo ajinga, byaishile mu Kipwilo.

Kyo kika? Lesa kwingila mwi obewa. Kuji konse mu kyaalo kyapanshi Aye koakonsha kukwita, obewa uji konka, na kwingila mwi obewa na kufikizha kyaswa muchima Wanji kyawama. Twafwainwa kusachila Lesa pa kyokyo! Lesa, aye Mupashi Wazhila, watumwa na mambo akukeba mba Lesa ekale na bumi mu Kipwilo Kyanji, na kwenda kupita mukila nkulo, na kwingila kyaswa muchima Wanji wa Bulesa.

²⁴ Inge muntu wakwendeleka, kechi babena kwendeleka obewa ne, babena kwendeleka Aye wakutumine. Nanchi Yesu waambile mba, “Mwatokwa anweba umvwe bantu bakemwambila byatama, bya bubela, na mambo a Jizhina Jami. Mwatokwa anweba.” Kabiji, ne jikwabo, “Bonse bekala bwikalo bwa bulesa mwi Kilishitu Yesu bakamanyikwa.”

Mambo, Lesa byo eyukishe Ayemwine mwi Kilishitu, abo Bamunshikilwe. Bang’anyi bamunshikilwe Aye, kyakila mukipimo? Kipwilo. Kipwilo kyamushikilwe Aye, kukila mukipimo. Bamushikilwe Aye kukila ne—ne kyakolwa. Bamunshikilwe Aye kukila pa bantu bakwabo. Kyajinga kipwilo Kyamushikilwe. Nanchi, onkao mambo, inge mwamona *kosmos*, “Ntachikila ya mwaila ntanda, panopantanda kechi bamuyukile Aye ne,” kyalumbulula mba, “kipwilo,” kyatelwa-byobyoye, “kechi bamuyukile Aye ne. Wayishile ku bakwaji Aye mwine, kabiji Bakwanji mwine kechi Bamutambwile ne.”

“Pakuuba mobavujila bamutambwile Aye, kwi abo ko apaine bulume bwa kwikala ke baana ba Lesa, kwi abo baketekela mu Jizhina Janji.” Oo, byo twafwainwa kumutemwa Aye ne ku mupopwela Aye! Nkebelo ya Lesa, kukeba kwikala mu lumvwang’ano lwa bupopweshi!

²⁵ Kabiji, kasa tukyangye kusha kikye kibaba, twayai twingijishe kikye; mu moba akwa Luta, mu mizhilo ya bukuzhi, kimye Naomi kyo afumine mu kyaalo, mambo a kwesekwa, bimye byakatazha. Aye wayile mutanda ya bena Moabo, abo bajingatu bakyambazhi, Benakilishitu batalala. Mambo, bena moabo bafumine ku mwaana wa mukazhi wakwa Lota, kabiji bajinga batelwa-mba baitabila, kabiji bamvwangakana. Kabiji balume banji bafwile, ne baana banji babalume bafwile. Kabiji pakubwela kumuzhi, Naomi. . . Luta ne Naomi, mu lwendo lwabo lwakuya ku muzhi, aye. . . Umo wa baana-banji-vyala, Olipa, aye waambile mba ukabwela mu kyaalo kyanji, ku balesa banji, ne ku kipwilo kyanji, ne ku bantu banji. Kabiji Naomi waesekele kusenda Luta mba abwelemo, bino waambile mba, “Bantu benu ke bantu bami. Lesa Wenu ye Lesa wami. Konse ko mukafwila, konkakwa ne Amiwa nkokafwila. Nkobakemuzhika, akwa konka nkokazhikwa. Kabiji Amiwa kechi nkabwelamo ne.”

26 Apo muntu po akwatakanya kimonwa. Kechi kipanapo lupusanano pa byaambile bantu banji ne, “Obewa ubena kuya kokwa pakuuba mba wikale wakuuba kyongo-kyazhila nangwa kintutu kikwabo.” Aky kechi kyaletelepapo lupusano kwi Luta ne. Kwajinga kufukula kwa Lesa kwafikizhiwe.

27 Kabiji anweba byonka byo mwaumvwa nzala bufuku buno ya Mupashi Wazhila, ke kintu kiji mwi obewa, kibena kukooka obewa, amba nkebelo yakwa Lesa mu bumi bobo yafwainwa kufikizhiwa, byonka byo kyajinga ne Luta.

28 Jishimikala jawama bingi! kechi Nakonsha kwijisha ne, pa kimye kicheche. Anweba mwayuka muzhilo wa bukuzhi, kyakuuba mba Boaza. . . Anweba mwayuka jishimikala Luta byo apupwilenga mu bujimi kabiji watajilwe bulongo kwi Boaza. Kabiji kasa akyangye kumusongola ne, aye patanshi wakujile byonse byatayile Naomi. Kabiji wafwainwa kukuula byataya Naomi, mwayila mizhilo ya bukuzhi, ke mukuzhi wa mu kisemi; wafwainwa kwikala mulongo kasa akyangye kukuula. Kabiji ne aye ke wapepi mu kisemi. Kabiji wafwaijilwe kuyukisha bantu bonse, pangye ya kambi, nangwa lushimuno lwa pakitubwingi amba wakuula byonse byatayile Naomi. Kabiji Boaza wikyubile na kupata sapato yanji ku meso a bakulumpe, kabiji waambile mba, “Inge kujipo umo uji na kintu kimo kya kwa Naomi, Amiwa jaleelo ne kikuula.”

29 Kabiji ajo jo jishinda Lesa jo aubijilemo, walondejile mizhilo Yanji Mwine. Lesa kechi wakonsha kulondela, wapana muzhilo wakulondela kabiji Aye walondela mukwabo ne. Aye ulondela mizhilo Yanji Mwine. Nanchi, Lesa, pakuuba mba akuule kipwilo kyalubilamo, ntanda yalubilamo, bilengwa byalubilamo; Lesa, Aye wabula mpelo mu Mupashi, pakuuba mba akuule mutundu wa muntu walubilamo, Lesa Ayemwine waikela ke wa mukisemi, Muntu, Mwaana awa Ye alengele munda mwi Maliya. Kabiji Aye wamwesheshe kiyukilo, nangwa lushimuno; pangye ya kambi ya Yelusalema, Aye waimikilwe pakachi ka meulu ne ntanda, ne kufwa wafwile, ne kukuula bintu byonse. Kabiji pa kusumisha mashi, Aye wazhijikile Kipwilo akyo Aye Ayemwine kyo akonsha kwikalamo, ne kwikala na lumvwang’ano ne kujila pamo, akyo kifulo kya lumvwang’ano lwa bupopweshi kufuma mu bujimi bwa Edena amo Lesa mo aiyanga mu kimye kya mabaanga, kimye kya kupwila.

Bushe mwamona nyi? Lesa waiyanga mu kimye kyazhindama kya mute, pa kuzhika kwa juba. Pajipo kintu kimo umvwe kimye ke kiye ku bufuku, bantu balanguluka pa kipwilo ne pe Lesa; Benakilishitu. Mwamona juba ke jizhike, mwavuluka mba juba jenu ke jizhike.

30 Kabiji kimye kyazhindama kya mabaanga a bufuku Aye waikilanga na kwisamba nabo. Kabiji monkamwa Aye

wataile lumvwang'ano lwa bupopweshi, mambo bubu kechi Bwamulekele kwi kyuba ne.

Kabiji pano Aye walengelwe ke muntu ne kwikala waikelenga muno mwetu, pakuuba mba Aye wakonsha kubwela jibiji ku muntu, kabiji ne kwikala mu muntu, kabiji ne kubwezha muntu mu kifulo kya lumvwang'ano Nanji jibiji, kabiji ne ku mubwezhezha sambu ya pewa na-Lesa. Abyo byo Aubile.

³¹ Akyo kyo kine kintu kya ikelako Mupashi Wazhila. Ke Taata, ne jikwabo, Lesa Taata waikala mwi obewa, na kwingila mwingilo Wanji, pakuuba mba apwishe mutanchi Wanji wa bukuuzhi; kwingila kupichila mwi obewa, ku kulengela kwikala wamwingilo-pamo ne Aye; kukupa kifulo, ne kukupa lubaji lobe lwakupona, mulongo ne nyenga balubilamo; mu kupana Mupashi Wanji kabiji ne butemwe Bwanji, pakuuba mba uye na kukeba balubilamo, monka mo Aubijile mu bujimi bwa Edena. “Adama, Adama, uji kwepi?” Abyo Mupashi Wazhila byo oba ku mwanamulume nangwa ku mwanamukazhi. Inge Wafika mu muchima wabo ne Kwikala monka, mwikala kilaka ne nzala ya myeo yalubilamo.

Alo lolukatazho luji na mpwijilo leelo. Kechi kujipo lubaji lwabaya lwa Mupashi-wazhila ne, kuya ku myeo yalubilamo ne kufwa. Kyaikalatu ke kyakulenga jizhina, nangwa kipwilo, nangwa kishimikwa, nangwa dinominesheni, mukifulo kya mutanchi wakuleta-myeo. Kyabulanda bingi! Twakonsha kwikalatu pakyokyo.

Lesa wiyitulwijile Ayemwine mwi Kilishitu. Ibyo.

³² Kilishitu wiyitulwijile Ayemwine mu Kipwilo. Onkao mambo, pano monai, “Mu joja juba mukayuka mba Amiwa nji mwi Bataata, kabiji ne anweba muji mwi Amiwa, kabiji Amiwa nji mwi anweba. Pajoja juba mukekiyuka.” Mambo, ke, kintutu kimo mu mutanchi wa bukuuzhi ubena kwiya, amba Lesa ubena kubwela na kwikalamo, kabiji ne kwikala nanji, kabiji ne lumvwang'ano na bantu Banji, nobe byonka byo Aubile ku ntendekelo.

Pano, nanchi, inge Aye wabika Kipwilo Kyanji mu musango wakutatula kwamba, wabika Kipwilo Kyanji mu kifulo kya kuuba amba Aye wakonsha kupitamo Ayemwine, ne kutemwa, ne kukajikizha, ne lumvwang'ano lwabupopweshi, nanchi Edena ukeya. Aye ukabwezha Kipwilo Kyanji ponka Po—Po kyamushile Aye, kubwela ku Edena ne jiwabo, konka ko Kyaponejile. Akyo, pano. . . Akwa iko Kokyalengele tatwilo Yakyo itanshi, nangwa kupona. Akwa iko ko Kyabwezhiwa jibiji, na musango yense wa bukuuzhi bwalumbuluka, na kwibabwezha jibiji ku kyokya kifulo ne jikwabo.

³³ Akyo Kipwilo kyajinga mu ntanda pa kimye kyabaya. Kabiji Kipwilo, kine, panyuma ya Lifomeshoni, ya myaka fifitiini aduleendi ya mankulo afishi. . . Luther ye mutanshi wa

kubwezha waishile panyuma ya bimye bya batumwa. Kabiji kimye Luther kyo ayishile, Lesa wasupile pacheche Mupashi ne Kumwitulwila pa Kipwilo, mu kubingishiwa. Kabiji mu moba akwa Wesley, Aye wayitulwijilemo wabayako pacheche Ayemwine, mu kutokeshiwa. Kabiji nkulo byo ya koma, kufika ku mpelo ya kimye, Lesa ubena kuyuzha Kipwilo kyanji. Talaitu kuzhokoloka mutaane kana kya Bukine, nangwa ine.

³⁴ Talai pa nkulo ya bena Luther, anweba mutangapo jishimikila, talai pa kusangululwa kwabo kabiji ne byo baubile. Talai byabaile kusangululwa kwa kwa Wesley byo kwajinga, bulume bo bajinga nabo, nangwa byonkabyo bajinga bacheche. Monai mu moba a Pentekositi, bajinga na kusangululwa pa kyokya kimye, kwajinga kwabaya, kwafikile palepa.

³⁵ Ne apo, *Mwenyi Wetu wa Pamulungu*, kipepala kya ba Katolika, wapaine lushimuno amba ba Pentekosito baitabizhe wanu milyoni faivi aduleendi sauzande mu mwaka umo, banyachijila bipwilo byonse pamo. Ba Katolika baambile, baambile mba, milyoni umo. Mu yenka wabo *Mwenyi wa Pamulungu*, pepala watelwa mba *Mwenyi wa Pamulungu*, wapaine sawakya amba ba Pentekosito bashinda bonse.

Kabiji, vulukai, kwalululwa kwa ba Pentekosito ke kwa bayuzhiwa na-Mupashi-Wazhila. Mu bacheche, kya kutatwilapo, ku lubaji lwa mashinda acheche momwa, na—na kindi kyakala. Kabiji banabakazhi kechi bakonsheshe kupota ne masokoshi ne. Balala mungyangi, kabiji ne kutolaula mataba ne kwi asasaula, ne kulenga shinkwa wa baana babo. Pano kyafika kuka? Ke kipwilo kyabulume-kyaimana muntanda leelo, kechi ku meso a ntanda ne, kana ku meso a kwa Lesa, mambo Aye wikishiniikisha na byonka byo Ebobila. Aye ubena kwiyitulwila Ayemwine mwi abo, kwitulwila Monka mukachi.

³⁶ Monai pano kyamwekele, Lesa wiyitulwijilenga Ayemwine mwi abo. Pano Kipwilo kyafika pantu pamo, kufuma kwi Luther, Wesley, kabiji ne kusangululwa kwafika ku Pentekositi; kabiji pano mu iye nkulo yo tubena kwiyamo, kupichila mu Mupashi Wazhila umo, ke wavujilakotu. Bino, kimye Benaluther byo bapulukile, bajinga na kibese kya Mupashi Wazhila. Kimye ba Methodist kyo batokeshiwe, awa wajinga mwingilo wa Mupashi Wazhila. Monai, kyajinga lubaji lwa Mupashi Wazhila. “Abo kwakubula atweba kechi kyakonsheka kulumbuluka ne,” byo byaamba Kinembelo. Mwamona?

³⁷ Pano, Lesa, pano Kyeya byo kyatatula kusama mu moba akumpelo, Aye ubena kuketekela atweba, kintu kikatampe kufuma kwi atweba. Mambo, “Apa paji byavula byapewa, po paji byavula byo bebakebela.” Nanchi Aye uketukebela byavula kukila byo Aubile ku bena Luther nangwa ba Methodist, mambo twenda mu Kyeya kyabaya, na Bulume bukatampe, na bukatampe. . . ke—ke kamonyi mukatampe kukila ye bajinga

nanji. Bino, tuji na bukamonyi bukatampe bwa lusanguko. Tuji na bintu byavula bingi, kine kukila byo bajinga nabyo.

³⁸ Bino kijitu pamo nobe byo Naambile ku koleji Benaluther, kechi papita kimye kyabaya ne.

Baambile mba, “Kika kyo tuji nakyo?”

Naambile mba, “Muntu wajimine bujimi bwa mataba. Mabuula atanshi asapukile, kabiji waambile mba, ‘Nasachila aye Nkambo na mambo a—a kijimwa kya mataba!’ Nangwa byonkabyo, aye wajinga nakyo, bino wajinga nakyo mu bimye bitanshi bya bumi bwakyo. Pachepache, kyaikele ke kinenge.”

Kabiji kwalupukile kasalala, awo wajinga Methodist.

³⁹ Inge mwakonsha kumona bilengwa na lesa, mwakonsha kumona kwingila kwa Lesa. Amo muji kyafyamika kiji pamo na mwingilo wami. Mwamona? Amba, kumona bilengwa na lesa, monai byokingila, ng’anyi nkulo ne kimye, mwakonsha kumona kimye kyo tubena kwikalamo. Tajishai nkulo.

⁴⁰ Pano, nanchi, ba Methodist, bajinga tusalala. Batajile kunyuma ku Benaluther, waambile mba, “Tuji na kutokeshiwa; kechi tujipo na kintu kimo Nakyo ne.”

Bitende bitende, kufuma kuyewa mwabo, kufuma ku ba Methodist, mwafumine jipeke ja . . . ja jitaba. Awa wajinga Pentekositi.

Abyo byo kiji, kubingishiwa, tampulo imo Yakyo. Kutokeshiwa, tampulo ikwabo Yakyo. Aye Mupashi Wazhila, tampulo ikwabo Yakyo; Pentekositi. Luther, Wesley, Pentekositi.

⁴¹ Pano nga Pentekositi ubaka? Amiwa ne kipashang’anya, mambo, mu Pentekositi, kyabwezhezhe, kechi jibuula ja mazhamatamba ne, kechi kasalala ne, pakuuba . . .

Jitaba kechi jakonsha kwamba ku kasalala mba, “Amiwa kechi jipo na kintu kimo kyakuba ne obewa ne.” Nangwa, kasalala kechi kakonsha kwambila ji—jibula mba, “Amiwa kechi jipo na kintu kyakwingila nobe ne,” mambo bumi bonka bumo bwajinga mu jibula bo bwalengele kasalala. Bumi bonka bumo bwajinga mu kasalala bo bwalengele kutwi.

Kabiji kyajinga kipwilo kya Benaluther kyo kyalengele kipwilo kya Wesley. Kyajinga kipwilo kya Wesley kyo kyalengele Pentekositi.

Bino, Pentekositi, kyo kika? Ke kubwezihiwa kwa musango umo wa jipeke jatwelele mu mushiji ku ntendekelo, na kubwezha kuyula konse kwa Bulume bwa Pentekositi, na lubatizhilo lwa Mupashi Wazhila, monai, mu moba akumpelo. Oo, ke kintu kikatampe bingi, pa kutala, ne kuketekela kabiji ne kutalapo.

⁴² Pano mu ino nkulo yo tubena kwikalamo, ino nkulo, yapitailla pa Pentekositi.

Pentekositi yaikala ayo ine mu bukabungwe, kabiji yatatwile kubepaika kyabaya pa tubungwe, “Atweba tuji *bibye* kabiji tuji *byoby*.” Akyo kyo kisemwa. Obewa kuuba wikikwasha ne. Ke kisemwa. Abo bakonsha kuba kyokyo. Ke lunengezho, lwabo lwa kuuba byobya.

Bino Kipwilo kyaenda kuya kulutwe. Kyaya mu kyakila, kyaikala na bulume bwabaya. Ke kubwezhiwa kwa bya bupe.

Kabiji bavula bantu ba ki Pentekosito kechi baketekela mu lubuko lwa Bulesa ne, mwingilo wa Bamalaika, ne bulume bwakwa Lesa. Bavula ba Pentekosito batela bibye bimwesho byo Mona mba, “diabola.” Twavula tubungwe kechi baji na pyakuuba Nakyo ne, mu Pentekositi. Monai, twaenda kukila popa. Nobe byonka ba Methodist byo batelele ba Pentekosito mba, “bavulang’ana,” mambotu akwamba mujimi. Noba byonka ba Lutheran byo batelele ba Methodist mba, “bavulang’ana,” mambotu a kubijika. Mwamona?

Bino byonse bibena kwiya-na Mupashi Wazhila, poso Kipwilo kikatampe kibena kuyulwa, kabiji ne kubiika byonse, aleluya, na bulume bukatampe bwa Lesa Wabulume bonse. Poso, kyafika pa kifulo kyakuuba mba mingilo imo yonka yaubilepo Yesu yaubiwa mu kwimweshwa ayoine monka mu Kipwilo. Tuji bingi pepi, balunda.

⁴³ Lekai ngimane ponkapano, pa kamineti kamo, pakuuba mba tumone kyabikijile Lesa Mupashi Wazhila mu Kipwilo, ne mupe kipasha kikwabo pakuuba mba muyuke. Kunyuma mu Lulayang’ano Lwakala, kimye awa—awa mwaana . . .

Muntu mwine wilengele ayemwine nzubo. Aye waletete musongwa wanji, akyo kyo kintu kitanshi.

Nanchi waikele ke muntu mukatampe, nobe kabungwe. Akya kyajinga kyawama.

Kintu kyalondelapo kyamwekele, mwaishile kusemwa mwaana mu yoya nzubo. Apo ipo Mupashi Wazhila, mwamona, mupashi mukwabo po aishilemo, ao wajinga mwaana. Awa mwaana, aye kechi wajinga na nsambu pa bintu ne, kabiji kechi wajinga nswanyi ne kanatu wafika pa mwaka watongolwa. Kabiji aye washiniikishiwe, patanshi. Ee.

Kabiji bajinga na muzhilo wa kwikajika bu mwaana. Kwi anweba bamingilo, “kwikajikwa bu mwaana,” kyo mbena kwambapo pa kino kimye, mwamona, pano wafikile pakifulo kya kwikajikwa bu mwaana. Yesu wapaine kyakumwenako kyawama bingi, ku Mutumba Wakwalulwa.

⁴⁴ Byonka byo Naamba mba, Lesa kechi ukaya pangye ya mizhilo Yanji pakuuba mba obe kintu ne.

Inge uji na mushima utupauka meema pa *yuwe* mutumba, ne kutaya meema konse konse mulubesha, kabiji payuwe mukwabo mutumba *papo*, muji na kijimwa kibena kuma, wakonsha

kwimana pa yuwe mutumba ne kubijika, “Oo, meema, iyai kuno muyuzhe kijimwa kyami! Oo, meema, fikai ku kijimwa kyami!” Kechi a kekyuba ne. Pakuuba inge mwaingila mwaila mizhilo ya kinemenezhi kya kubwezha panshi, mwakonsha kutekezha kyokya kijimwa.

⁴⁵ Uji na muntu wakolwa walala papo, nangwa ndengamambo walala papo, nangwa muntu ubena kukeba kwikala waoloka, kechi wakonsha kuleka kutoma kwanji ne, kechi wakonsha kuleka kupepa fwaka ne, kechi wakonsha kuleka lukumbwa ne bintu bikwabo ne. Inge mwakonsha kwingijila mwaila mizhilo ya Lesa, lekai Mupashi Wazhila eye momwa, apa nishi kechi ke aye mwine ne. Aye, ukaleka kyokya kintu, mambo Mupashi Wazhila watola mpuzha. Bino wafwainwa kwingila mwaila mizhilo yakwa Lesa, mikambizho ya kwa Lesa.

⁴⁶ Pano, mu Lulayang’ano Lwakala, umvwe awe mwaana wasemwa, bamumwenenga, na kumumona byubilo byanji, byubilo.

Nanchi bashanji, byo aji musulu mukatampe pa kikye kimye, kape mu myaka ma foote nangwa mafifite, aye kechi wajinga na kimye kya kufunjisha awe mwaana ne, ayemwine, nanchi wakebele. . . Mu oa moba kechi bajinga na masukuulu a kintu bwingi byonka byo kiji pa kino kimye ne, nanchi bakebanga ye batela mba “mufujishi,” nangwa mba “ukomesha,” mufunjishi wa sukuulu. Kabiji awe mufunjishi wa sukuulu wajinga wawamisha ye akonsha kutana, pakuuba mba ekale wabukishika ne kubuula bashanji bya bukine pakikye.

⁴⁷ Kabiji umvwe awe nsongwalume wafika pa myaka imo, kwamba mba, aye wafikilamo. Inge awa nsongwalume wajingatu waluwakana, kechi wawama ne, kechi wateleko muchima ku busulu bwa bashanji ne; aye byo alangulukangatu ke byakwenda ne kunyema na banabakazhi, nangwa—nangwa kutoma, nangwa kuteya ngyuka, nangwa kwikyombesha na bambili; awa nsongwalume kimye kyonse ukekala mwaana, bino aye kechi wabikilwe mu kifulo kya buswanyani wa byonse byajinga ne bashanji ne.

Bino inge wajinga nsongwalume wawama, kabiji aye waubilenga mwingilo wa bashanji, kabiji washinikishe mba ye mwaana wafwainwa, popo baikalanga na kijiilo kyakusekelela. Basendanga nsongwalume ne ku mutwala mu mukwakwa ne ku mumvrika mukukumba utoka, kabiji bamwikajikile pa kikochikala pakuuba mba bonse ba mu muzhi bakonsha kumumona. Balengele kijiilo ne yubili, kabiji bashanji bajinga na kijiilo kyakusekelela kwikajikwa bu mwaana. Aye waikajikile mwananji mu busulu bwanji, kabiji awa mwaana waikale waesakana-pamo ne bashanji. Mu byambo bikwabo, inge kyajinga mu buleelo, jizhina ja mwaana pa cheki jajingatu jaesakana pamo na jibashanji.

48 Pano monai Lesa byo aubile. Kimye Mwaana Wanji kyo asemekelwe, Aye wamulekele Wafika myaka sate, na kumweseka Aye, na kumweseka Aye. Kabiji Aye Wamupele myaka isatu ya lweseko lwakosa. Kabiji kumpelo ya lweseko lwakosa, byo Amwene mba Mwaana Wanji wajinga wata muchima pa mingilo ya ba Shanji; Mutumba Wakwalulwa, Buuku wa Luka; Aye wasendele Petelo, Yakoba, ne Yoano, bakamonyi basatu, kabiji waile peulu ya mutumba, kabiji akwa Lesa waubile mizhilo ya kwikajikwa bu baana. Aye... Abo batajile peulu kabiji bamwene Yesu, kabiji ne bya kuvwala Byanji byatokele too nobe kubesha kwamvula. Kabiji Jikumbi byo jamunyeng'amijile Aye, ne Jiwi jafumine mu Jikumbi, ne kwamba mba, "Awe ye Mwaana Wami ye natemwa; mumwayi Aye. Nsakwikala pakino kimye kechi nji na bya kwamba ne. Pano Aye byoamba ke mizhilo ne Bukine."

49 Pano kipwilo kyafwainwa kupita mu onse oo masukuulu. Aye wasongwelwe kala kunyuma kokwa, kimye kyapita kunyuma, kabiji waile ke dinominesheni, ke kabungwe. Bino, mwamona, Lusemo lwaletete kintu kingi. Kabiji pano kyafika pa kifulo apo kipwilo kya Pentekosito, na Kusemwa kupya, kyaesekwa ne kupitwa mu lweseko, kabiji pano kibena kwiya pantu pamo... Lesa kechi wingila na Kipwilo nobe kabungwe ne. Aye kechi wingila na Kipwilo nobe—nobe jibumba ja bantu ne.

Aye wingila na Kipwilo nobe muntu umo umo, muntu umo mu Kipwilo. Kabiji bino kyafika pa kimye... Kabiji kechi kyafyamika ne; atweba bonse twikimona. Inge muntu wikishiniikisha, ne Lesa wamutemwa, Aye umutwala kuntu kumo kwi Ayemwine. Akwa kulutwe ya ba Malaika Aye umubilapo kintu kimo. Aye umusutwila monka mu Kyeenyi kya Lesa, ne kumupa bya bupe, ne kumuyuzha, kabiji wamwikajika pangye. Ayo yo nkulo yo tubena kwikalamo.

50 Umo Mupashi Wazhila wapulwishe bena Luther, awa watokeshe ba Methodist, awa wabatizhile ba Pentekosito, pano ubena kubika mu ndonda Kwiya kwa Nkambo Yesu. Kimye, po kikekala na bulume bwabaya, awa Mubiji, ukeya mu jije Jibumba, Kipwilo, akya kikabusha bonse kufuma mu kilende. Kukekala ne lusanguko. Abyo Mupashi Wazhila byo aikelako. Nga Mupashi Wazhila kyo kika? "Kwakubula atweba abo kechi bakonsha kulumbuluka ne." Abo baikele mu juba jimo, mu kyokyo. Atweba twaikala mu juba jikwabo.

"Inge mulwanyi waiya nobe mukwe, Amiwa koba... Mupashi wakwa Lesa ukemanya kipimo kyakyo." Mwamona? Tuji mu juba pakino kimye... .

51 Kunyuma kokwa, kechi bajinga afu nangwa pacheche nobe byo baji leelo ne. Abo kechi bakonsheshe kulenga atomiki mbomba nangwa myotoka ne. Abo kechi bajinga na saayasi ne

bintu nobe byo tuji nabyo pa kino kimye ne, bino, ne bintu bya bu kyafyamika; kweseka kuleta muntu pamo, kupichila mu lukungu ne bintu bikwabotu, ne kusenda busendwe bwakupitulukamo ne kweseka kwikishinikisha, ne kulenga mu bilubi mwafuma bantu.

Bino pano, inge tubena Kwikikeba, aye Mupashi wakwa Lesa wimika kipimo. Kyo kika? Aye ubena kwitulwilamo Mupashi Wanji. Nanchi, aba babena kukokoloka mu kilende, nangwa mushi ya kitapisho kya kwa Lesa, nobe byaamba Kinembelo, babena kujila, “Bimye binga, Nkambo? BIMYE BINGA? Kwakishala bimye binga?” Lesa ubena kupembelela pe amiwa ne pe obewa. Akyo Kipwilo kibena kupembelela pe amiwa kabiji ne pe obewa. Kimye kyakwikajikwa bubaana, kimye Lesa kyo akonsha kwitulwila mwi atweba kuyula kwanji konse, Bulume Bwanji, lusanguko Lwanji, apo kyo kimye Kipwilo ne Kilishitu po bakalamakana poso Kilishitu wamwekanyika mukachi ketu, kabiji wasangula ne bafwa, kabiji twaya ne mu Kushikulwa.

⁵² Pano tusakwamba, tusakumweshwa pa kupitapo kimye kicheche, amba bonka bayulwa na Mupashi Wazhila bo bakaya mu Kushikulwa. “Mambo bonse bashala kechi baikele na bumi ne pa myaka kiumbi kimo.” Abyo ibyo. Ke bantu bonka bayuzhiwamo-Mupashi- Wazhila ba Kashikulwa. Bino, Lesa wapaine Mupashi Wazhila . . .

⁵³ Njina Kinembelo kikwabo papo, mu Yoano 14:12. Akye ke Kinembelo kyayukanyikwa bingi ku bantu muno mu tabbanako.

Kine, kine, Nemwambila namba, Awa waitabila mwi amiwa . . .

Pano, kechi muleke akya kyambo “waitabila” kimubwezhe panyuma ne. Mu kipwilo kyatelwatu na jizhina, waamba mba, “Ee, Naketekela. Kine, Naketekela mba Yesu Kilishitu ye Mwaana wakwa Lesa.” Aye diabola waketekela kintutu kimo. Abyo kine ibyo. Aye Baibolo waamba mba byo oba.

Pakuuba Kinembelo kyaamba, mu Yoano, amba, “Kafwako muntu wakonsha kwita Yesu mba Kilishitu, kanatu kupichila mu Mupashi Wazhila.” Anweba, kine, mwaila Kinembelo . . . Lekai ngimane ponkapano kamineti kamo, kasa kyangye kupwisha kutanga ne. Obewa kechi waaluluka ne kanatu watambula Mupashi Wazhila. Abyo ibyo.

⁵⁴ Obewa waitabila kuya “na ku.” Aye Mupshi Wazhila waamba kwi obewa, kabiji obewa Wamushimuna patoka. Aye diabola uji na kintu kimo. “Namuketekela mba Aye ye Mwaana wakwa Lesa.” Nanchi ne diabola byo byo oba. Bino obewa ubena kwenda kuya Kwiaeye.

Kimye, Petelo kyo aichilwe ne kubingishiwa, mu kwitabila mwi Nkambo Yesu Kilishitu; kabiji mu Yoano 17:17, Yesu wibatokeshe monka mu Kyambo, mambo Kyambo kyajinga

Bukine. Kabiji Aye wajinga Kyambo. Imutashi, Yoano waamba mba, “Mutendekelo mwajinga Kyambo, ne akya Kyambo kyajinga na Lesa, kabiji akya Kyambo kyajinga Lesa. Kabiji ne kyokya Kyambo kya alukile ke muntu, kabiji waikelenga muno mwetu.” Aye wajinga Kyambo, nanchi Aye wibatokeshe. Aye waambile mba, “Taata,” kwamba ku Mupashi wajinga mwi Aye, “Nebazhijika monka mu Kyambo,” Ayemwine, na kubika maboko Anji pe abo. “Kyambo Kyenu bo Bukine.” Aye Wamwambiletu mba ekaleko, munda ya kwa Maliya; oo, kechi kyakonsheka kwi Aye kwikala mujishinda jikwabo ne kanatu kikye Kyambo kya Lesa kyamulenga Aye wasololwa. “Amiwa nebazhijika.”

⁵⁵ Aye wibapele bulume bwa pa mipashi yatama. Abo bayile. Aye wabikile mazhina abo mu Buuku wa Bumi wa Mwanamukoko. Kabiji Aye wibatume, Yoano . . . Mateo 10, kabiji wibapele bulume pa mipashi yatama; ne kupangamo mipashi yatama, ne kwingila mingilo, ne bikwabotu. Kabiji babwelele, nalusekelo, baambile mba, “Ne ba diabola betunekenena.”

Aye waambile mba, “Kechi musekele mambo diabola wimunekenena ne; pakuuba sekelai mambo mazhina enu anembwa mu Buuku.” Kabiji Yudasa wajinga nabo. Mwamona byo akonsha kufwenya pepi; kwiya kupita mu kumbingishiwa, kuya kufika ne mu kutokeshiwa. Pakuuba kwepi nkoamwesheshe kyeya kyanji? Kwepi nkoemwesheshe ayemwine? Pentekositi Kasa akyangye kwikalako, wamwesheshe musango wanji.

⁵⁶ Talai, awa mupashi wikalatu wakonsha kabiji wakutokeshiwa byonka byo afwainwa kwikala, poso waiya ku Mupashi Wazhila, kabiji Bakamuchibako ponkapatu. Awa ye yewa mupashi (kechi mwakonsha kwikimona ne?) kasa abena kwenda, aye antikilishitu. Kabiji Yesu waambile mba, “Bakekala peepi pepi, mu moba akupelako, kya kuuba mba bakajimbaika bonka Basalululwa inge kya konsheka kubiwa.” Bino, vulukai, ke Basalululwa bonka ba kekimona.

Lesa wita na kusalulula. Anweba, kechi muji na lusekelo pakwikala umo wa mwi abo nyi? Kechi byo uji nenyi, bantu muno bufuku bunu, kasa bayuka mba kintu kimo mu muchima obe kibena kundosa, “Nasaka yewa Mupashi Wazhila. Nasaka Anweba, Nkambo, mu muchima wami”? Ao ke mambo akuuba mba Lesa wabikile jzhina jobe mu Buuku wa Bumi wa Mwanamukoko kitendekesho kyaino ntanda saka kikyangye kwaalwa. Aye waambile kyokyo.

“Kafwako muntu nangwa umo wakonsha kwiya kwi Amiwa ne,” byo aambile Yesu, “kanatu Ba Taata bamukoka patanshi. Kabiji bonse beya kwi Amiwa, ke Bapa bumi bwa Peenape.” Bobuka Bumi Bwapeenape? Ke Mupashi Wazhila. “Bumi Bwapeenape,” tolai kyokya kyambo ne kwikipalanguzha mu

ng'ambilo ya ki Ngiliki, kabiji kyaamba mba, *Zoe*. *Zoe* ke Mupashi Wazhila. "Bonse bobapa kwiba Taata bakeya kwi Amiwa. Kabiji bonse beya kwi Amiwa, Amiwa nkamupa Mupashi Wazhila, kabiji Nkamusangula mujuba jikapelako. Amiwa ke kyuba," Aye byo aambile. Kechi mba ine kana-kabiji-kabiji pa Kyokyo. "Amiwa nkoba. Bonse beya; kabiji Nkapanu Bumi Bwapeenape." Aye ukasangula, mambo aye uji na Bumi Bwapeenape. Aye wafwainwa kwiya. Kechi wakonsha kufwa ne byonka Lesa byo akonsha kubula kufwa.

⁵⁷ Oo, balunda nami kufuma mu kino kyaalo ne mu uno muzhi mucheche, inge Nakonshatu, na jiwi jami ja bumuntu, nabika mu muchima obe kyanemena kutambula lubatizhilo lwa Mupashi Wazhila, kyafwainwa kwikala lumwekesho lwakila bingi mukuwama mu bumi bwenu. Kumona ka... Wafwainwa kwikyuba.

Lekai ne kyambe bulongo, pa kikye, "Anweba kechi mwaaluluka ne."

⁵⁸ Petelo wapulukile. Aye waketekejile mwi Nkambo, wamulondejile Aye. Yesu wamubuujile byo ajinga, wamulengejile kumulondela Aye. Aye wamupele bulume pa mipashi yatama ne kumuzhijika. Bino pakupwisha byonse byo, kabiji waikala ne ng'ambi mukatampe wa pa jibumba; nobe ba Katolika byo bakonsha kukeba kwikitela, "bishopu wa kipwilo, nangwa mba papa," nangwa musango yense mo kyajinga, mwina muzhi wa kipwilo; nangwa byonkabyo Yesu waambile mba, bufuku bwa kusololwa Kwanji, "Bushe watemwa Amiwa nyi, Petelo?"

Kabiji aye waambile mba, "Nkambo, Anweba mwayuka mba Nemutemwa Anweba."

Waambile mba, "Mukajishe mikoko Yami." Aye waambile kikye bimye bisatu.

Kabiji Petelo waambile mba, "Mwayuka Nemutemwa Anweba, poso Nkaye Nenu kufika ne—ne ku mpelo, kabiji Amiwa kaya Nenu kufika ne ku lufu," kabiji ne bikwabotu.

⁵⁹ Aye waambile mba, "Bashikombwe kasa bakyangye kukokola jisatu ne, anweba musa... bashinkombwe kasa bakyangye kukokola, ukankana Amiwa jisatu." Aye waambile mba, "Bino, Petelo, Amiwa nakulombelela." Telekai. Abyo kechi byo byonka ne. "Amiwa nakulombelela. Kabiji panyuma ya kwaluluka, ukakoseshe balongo bobo."

"Panyuma ya kwaluluka." Aye wabijikilenga. Aye kapepo wazhilenga mu Mupashi. Aye, waubile misango yonse ya bintu, bino aye kechi wakitambwile Mupashi Wazhila ne. "Panyuma yakwaluluka, ukakoseshe balongo bobo," akyo kyakine, "ukobe mutanchi Wanji."

⁶⁰ Pano lekai mpwishe kutanga Yoano 14:12. Pano mu kyapitala kyabu 14 ne veeleshi wabu 12, Yesu waambile mba, “Kine, kine, Nemwambila namba, awa wangitabila. . .” Kabiji kechi mwakonsha kwitabila. . . “Waitabila mwi Amiwa.” Mwakonsha kuketekela *mwi* Aye. Baanga baumvwa kyokyo? Ambai mba, “Amena.” [Kipwilo kyaamba mba, “Amena.”—Waku.]

⁶¹ Anweba vulukai, mu Byubilo 19. Nanshikwa kwimana papo, bino Nafwainwatu kwikyamba monka mo kibena kwishila kwi amiwa. Mu Byubilo kyapitala kya bu 19, kimye awe musapwishi waki Baptist, ao wajinga ke—ke ng’ambi kabiji waalulukile, kabiji wasapwijilenga ne bantu bapulukilenga. Kabiji bajinga na lusekelo lukatampe, na kumvwatu lusekelo ne kubijika, kasa baji na mpwijilo. Byubilo 18, Akwila ne Pulisila, twibatongwele mabaanga abufuku bwapita, kabiji bayile na kumumona. Kabiji abo bayukile mba wajinga muntu mukatampe, kabiji mba wajinga wafunda. Kabiji washinikishenga na Baibolo amba Yesu wajinga Mwaana wa Lesa, abo bayukiletu lubatizhilo lwa kwa Yoano. Aye kechi wakiyukile lubatizhilo lwa Mupashi Wazhila ne. Nanchi waambile mba. . .

Akwila ne Pulisila, awa mwanamulume ne mwanamukazhi, bacheche bapikula matete; naye, Paulo wajinga wakulenga matete, ne aye. Kabiji batambwile Mupashi Wazhila mu lufunjisho lwa kwa Paulo. Baambile mba, “Tuji na mulongo mucheche ubena kwiya kuno. Mulekai ambeko pacheche pa kikye.”

Kabiji Paulo byo aishile wamumvwine kusapwila, wayukile mba muntu mukatampe, aye waambile mba, “Mwatambwile Mupashi Wazhila kufuma po mwaitabijile nyi?”

Abo baambile mba, “Atweba kechi twayuka ne. . . kana kuji Mupashi Wazhila.”

Aye waambile mba, “Pano ku kika,” nangwa kine kyambo kya kingiliki paji, “wa batizhilwe byepi?”

Abo baambile mba, “Atweba twabatizhiwa kala kwi Yoano Mubatishi.”

⁶² Pano monai byaambile Paulo. Paulo waambile, mba, “Yoano kine wabatizhilenga mu lulapilo; kechi mu lulekelo lwa mambo ne, kana mu lulapilo, ne kwamba mba abyoo anweba byo mwaketekejile.”

Inge wamutambula Kilishitu kwikala ke Mupulushi obe, obewa waketekela *kuya* ku lubatizhilo lwa Mupashi Wazhila. Alo kechi lo lubatizhilo lwa Mupashi Wazhila ne, balongo bami ba Baptist. Kekilubo.

Mulongo umo waambile kwi amiwa juba jikwabo, mba, “Mulongo Branham,” nangwa kimye kimo kunyuma, bang’ondo

kunyuma, aye waambile mba, “Mulongo Branham, Abulahama waitabijile Lesa, kabiji kya mutelwe ke bololoke.”

Naambile mba, “Kya kine.”

Waambile mba, “Kika kikwabo muntu kyo akonsha kuuba kanatu kuketekela?”

⁶³ Naambile mba, “Abyo byo byonka muntu byo akonsha kuuba. Byo byonka byo akonsha kuuba leelo, ke kuketekela Lesa. Bino Lesa wamupele katetesho ka mukanda,” byo twapichilemo bufuku bwapita, “nobe kiyukilo kya kwamba mba Waswile lwitabilo lwanji mwi Aye.” Kabiji, leelo, poso Lesa. . .

Anweba mwaketekela mwi Aye inge Mwamutambula nobe Mupulushi wenu. Pakuuba umvwe Lesa wakupa kiyukilo kya Mupashi Wazhila, Aye wakubikile katetesho kabwikalo bobo Bwapeenape. Pano anweba ba Baptist basenda kyokyo, kabiji Amiwa kaya ku bukikizhi bwa Peenape. Ee, mwane. Mambo, “Kechi mumufichishe pa muchima Mupashi Wazhila wakwa Lesa ne, mo monka momwabikilwa katetesho kufika ne ku juba ja bukuzhi bwenu.” Anweba kechi mwabikwa katetesho pa kuketekela *kwakuya ne*, pakuuba mwabikwa katetesho ka Mupashi Wazhila. Efisesa 4:30, “Kechi mumufichishe pa muchima Mupashi Wazhila wakwa Lesa ne, mo monka momwabikilwa katetesho kufika ne ku juba ja bukuzhi bwenu.” Akyo kimubika katetesho, umvwe mwatalwa bulongo kwi Lesa, kabiji Aye wimupa katetesho ka Mupashi Wazhila.

Abyo ibyo, mambo Baibolo waamba mba, “Kafwako muntu wakonsha kwita Yesu mba Kilishitu ne, kanatu kupichila mu Mupashi Wazhila.”

⁶⁴ Mwaamba mba, “Naketekela mambo ba kafunga bo baambile byobyoy.” Aye ujitu bulongo, bino akyo kechi kiji na kintu kwi obewa ne. “Naketekela mambo Kyambo kyaamba byobyoy.” Abyo ibyo, bino akye kechi kyenu anweba ne, akyo kechi kyakubala obewa ne.

Jishindatu ja kwikyambilamo mba Yesu ye Kilishitu, umvwe Mupashi Wazhila waiya mwi obewa kabiji wapana lushimuno, kabiji ne kupana bukamonyi Ayemwine, “Aye ye Mwaana wakwa Lesa.” Ajo johonka jishinda jakuyukilamo lusanguko, ke Mupashi Wazhila umvwe wapana lushimuno. “Umvwe Aye Mupashi Wazhila waiya, Aye ukanshimuna Amiwa, ne kwimuwesha bintu bikeya; ukemuvulula bibye bintu, byo Naambile, ku michima yenu.” Anweba kechi mukekitanapo mu sukuulu ne. Mwamona? Aye ukaleta bibye bintu ku michima yenu.

⁶⁵ Pano twakeba kutangako palutwe kacheche mu Kinembelo ponkapano, Yoano Wazhila 14:12.

Kine, kine, Ne mwambila namba, Aye wangitabila amiwa, mingilo Yonguba ne aye ukeyuba; kabiji ne yakila. . .

Akyo, kututulula kwawama papo ke “yavula,” inge mubena kukeba kwikeba.

. . . mingilo ne yakila pa iye anweba mukeyuba; mambo Amiwa ngya ku Bataata.

⁶⁶ Inge Aye waile kwi Bashanji, Mupashi Wazhila wafwainwa kwiya. Abyo ibyo nyi? Kinembelo kikwabo kyaambile mba, “Inge Amiwa nabula kuya, Nkwasho kechi akeye ne. Bino inge Naya, Amiwa kabwela jibiji ne kwikala nenu, ne mwi anweba.” Monai, ke Lesa ne obewa. Pe obewa, patanshi; ne obewa, mwi Kilishitu; mwi obewa, mu Mupashi Wazhila. Ke Lesa mwi obewa.

⁶⁷ Pano, “Mingilo yo Nguba ne anweba mukeyuba,” kechi mingilo ikwabo ne. Pakuuba Lesa ukeba kuleta Mupashi Wazhila, mwi obewa, na kutwajijila kwingila mwingilo umo yenka Ye aubilenga mwi Kilishitu.

Mwingilo kechi wajinga wakabilwa bingi mu moba akwa Luther ne. Akya kyajinga Kipwilo kya Lesa. Kechi kyajinga. . . Wakebelwenga pabayako mu moba akwa Wesley.

Mambo, “Ntanda,” Baibolo waamba mba, “ikekala ibena kukokelela, kabiji maana akavula, kabiji bukayanga na kuvula kimye kyonse.” Atweba tuji. . . Ntanda ubi bubena kuya na kubailako. . . Twayuka kyokyo. Kika, muntu uba bintu leelo abyo, myaka yapita aduleendi kechi mwakonsheshe kulanguluka mba kwakonsha kwikala muntu wanshita byobya ne. “Bubi bukavujilangakotu kimye kyonse, kabiji babi bakobanga bubi bwabaya, kimye kyonse,” byaamba Kinembelo, “na kuvujilako na kuvujilako.”

⁶⁸ Nanchi, Mupashi Wazhila ubena kwenda. Akwa kwajingatu mpemeno Yakyo icheche ne Luther; lubesha mucheche Wayo ne Wesley; kabiji mpemeno yazhika Yakyo na ba Pentekosito; pakino kimye mpemeno ne Mupashi byaikalatu kimo. Aye ubena kukwatakana pamo, kuleta bobwa bulume bumotu bwa Mupashi Wazhila nobe byonka byo Aubile kunyuma kokwa, ubena kumweshwa mingilo imotu yo Aubilepo kunyuma kokwa, yo ibena kumwekanyika leelo, kintutu kimo.

⁶⁹ Monai byaambile Yesu: “Kine, kine Nemwambila namba, Mwaana kechi wakonsha kubapo kintu nangwa kimo ne kanatu byo Amona Bashanji kasa babena kwiyuba patanshi. Byonka byubapo Bashanji, Aye umweshwa Mwaana. Ba Taata bekala mwi Amiwa; Aye ye wingila mingilo.” Mwamona?

⁷⁰ Pano monai, kino ke kintu kikwabo kyo Nakonsha kwamba papo. “Nobe,” Yesu byo aambile, “nobe Bataata byo batuma Amiwa. Nobe,” pano monai, “nobe Bataata byobatuma Amiwa, ne Amiwa ne mutuma.” “Nobe Bataata. . .” Nga Bashanji ba

Bamutumine byepi? Ba Shanji, ba Mutumine, bafumine Mwiulu kabiji baikele mwi Aye.

Aye walupukile. Aye waambile mba, “Amiwa kimye kyonse ngubatu kyonka kitokesha Ba Taata ku muchima.” Mwamona? Aye waile na kuuba bintu byonka Bataata byo Bamumweshenga mba Obe. “Amiwa kechi nguba kintu nangwa kimo ne kana Ba Taata ba Mweesha patanshi.” Awa Lesa Wamutumine, wajinga mukachi Kanji. “Kabiji Bataata byo Bantumine, jishindatu jimo Bataata byo Bantumine, nanchi ne Amiwa ne mutuma.” Kyo kika? Lesa mwi obewa, na kutwajijila (kika?) mingilo imotu, imotu.

Yesu waambile mba, “Aye...awa *waitabila*, aye Watuma monka mukachi kanji, Mupashi Wazhila; awa *wangitabila*, awo waikala kala kamonyi walusanguko Lwami, yukai mba Amiwa nji mwi aye. Aye uji mwi Amiwa; inge waikala mwi Amiwa, Byambo Byami byayikala mwi anweba.”

⁷¹ Pano mwaamba mba, “Amiwa naikala mwi Yesu; bino Amiwa kine kechi naketekela mu lubuko lwa Bulesa ne.” Akyo kimweshwa mba Aye kechi uji monka ne.

⁷² “Naketekela mwi Yesu; kechi baketekela mu Mupashi Wazhila mu jino juba ne, nobe kechi byo bajinga Nanji kunyuma ne.” Akyo kimweshwa mba Aye kechi ujimo momwa ne.

⁷³ Aye Mupashi Wazhila upana lushimuno ku Kyambo kyonse Kyaambile. Aye kechi wabubela ne. Aye kechi ujipo na moyo wa muntu uji yense nangwa kabungwe ne. Aye kechi utola kintu kya muntu uji yense ne. Aye wamba, kabiji wabwela Waikala nakyo.

Inge bapeulu, ne baluwakana, kabiji ne bafunda, nangwa byonka byo twafwainwa kwikitela, kutangijilwa na bunoshi, inge kechi bakeba Kwikitambula ne, “Lesu wakonsha kulenga baana ba kwa Abulahama kufuma kuaob mabwe.” Aye ukatola muntu wa bumbazhi, ne batoma binyu byatama, kabiji ne byonse bikwabo byashala, kabiji ne kumwimika. Lesu wakonsha kwikyuba, kabiji Ubena kwikyuba. “Lesu wakonsha kulenga mabwe ke baana bakwa Abulahama.” Muntu umo ukekyube, mambo Aye ke Lesu.

⁷⁴ “Inge mwaikala mwi Amiwa, kabiji Byambo Byami mwi anweba, ipuzhai kyonse kyomukeba,” mambo mubena kwipuzha Kyambo Kyanji, kabiji Kyambo Kyanji bo Bumi. Kyambai. Inge Lesu wikyambile, kabiji obewa washininwa mba Aye wikyambile, Mupashi Wazhila ushimuna mba akya Kyambo kiji bulongo, nanchi, byo kiji, mulongo. Kyambai; byo kiji. “Ambai ku yuwe mutumba, ‘Enda,’ kechi muzhinauke mu muchima wenu ne, bino mwaketekela mba kyo mwaamba kikafikizhiwa.” Kechi obewa yobe wamba ne, kana Bataata bekala mwi obewa; Aye ye wamba. Kechi obewa yobe wamba ku yewa mutumba ne, ke Bataata baji mwi obewa, baamba ku yewa mutumba. Wafwainwa kwenda. “Meulu onse ne ntanda bikapita,” Aye

waambile mba, “pakuuba Mupashi Wami kechi ukoba ne, nangwa, Kyambo Kyami kechi kikapita ne.” Kyakine, Kechi kyakonsha kupita ne. Taata!

⁷⁵ Bino, “Mingilo yo Nguba.” Lesa uji mu Kipwilo Kyanji, pakuuba mba atwajijile mingilo Yanji. Oene mambo Aye kyo atumijile Mupashi Wazhila. Bino, Aye wayukile kyokyo. Aye, Wayukile mba kechi byo kikekala ne, kechi kyakonsheka kubiwa muyewa musango ne, nanchi nangwa byonkabyo, nanchi Aye wamutumine. Ba Taata batumine Mwaana, ne kubika byonse biji mu fon- . . . Mwaana mwi obewa. Kabiji mingilo imo Aye byo aubile, mingilo imo yonka yaubilepo Yesu, ne anweba mukeyuba, Kipwilo.

Kechi mwakonsha kutemwa kwingila mingilo ya Lesa ne? Yesu waambile mba, “Inge mubena kukeba kuuba mingilo yakwa Lesa, ketekelai mwi Amiwa.” Anweba mwakonsha kuketekela mwi Aye byepi? Anweba kuuba mwikyuba ne kanatu anweba mwaikala na Mupashi Wazhila.

⁷⁶ Mambo, kafwako muntu wakonsha kwamba mba Aye ye Mwaana Lesa; obewa ubena kwaamba kintu kimo kyaambile muntu mukwabo. “Aye Baibolo waamba mba Aye ye Mwaana wakwa Lesa; Naketekela Baibolo.” Kijitu bulongo. “Aye Baibolo waamba mba Ye Mwaana wakwa Lesa; Naketekela Baibolo. Bakafunga baamba mba Aye ye Mwaana wakwa Lesa; Naketekela ba kafunga. Bamaama baamba mba Aye ye Mwaana wakwa Lesa; Naketekela bamaama. Mulunda nami wamba mba Aye ye Mwaana wakwa Lesa; Naketekela mulunda nami.”

Bino jishindatu jimo jo Nakonsha kwambilamo mba Aye ye Mwaana wakwa Lesa, ke jakuuba mba Mupashi Wazhila waiya kabiji wapana lushimuno lwanji Ayemwine, nanchi po Nayuka mba Aye ye Mwaana wakwa Lesa. “Kafwako muntu nangwa umo wakonsha kwita Yesu mba, ‘Kilishitu,’ kanatu na Mupashi Wazhila.” Akyo!

⁷⁷ Kafwako muntu wamba na Mupashi wakwa Lesa utela Yesu mba wafingwa ne, nangwa kwamba mba Aye wajinga kintu kimo aja juba kabiji kintu kikwabo leelo. Akyo kimulengela Aye kwikala wakokelela ne kukakalwa. Ine, mwane.

Aye ujitu pamo keesha, leelo, ne myaka yonse. Mupashi yense wakine ukashimuna bukamonyi bwa kyokyo. Kijitu bulongo.

⁷⁸ Pano, Aye waambile mba, “Aye mingilo yo Nguba ne anweba mukeyuba,” Yoano 14:12, pano, mingilo imotu.

“Oo,” baamba mba, “kipwilo kiingila mingilo yabaya bingi leelo.” Mujishinda ka?

Aye waambile mba, “Mingilo yonguba Amiwa.”

“Amba,” baamba mba, “kyawama, tuji na bamishonyi mwaya ntanda, ao ke mwingilo wabaya.”

⁷⁹ Bino Aye waambile mba, “Mingilo yonguba Amiwa.” Pano yubai, yubai patanshi, bino mwaamba pa bamishonyi.

⁸⁰ Leelo, kwamba kimye kimo kyapita kunyuma pe ba Mohammedi, waambile mba, “Mohammedi wafwa.”

“Abyo ibyo, aye uji mu kilende, bino juba jimo ukasanguka.” Aye waambile mba, “Inge wasanguka kufuma mu kilende, ntanda yonse ikayuka mu maawala tweti-foolo.” Aye waambile mba, “Anweba bantu mwaamba mba Yesu wasangukile myaka masauzande abiji, kabiji kafwako nangwa umo-wa pa basatu wikipyuka ne.”

Akyo ke mambo akuuba mba mwaambila ku lubaji lwa kufunda. Mwaambila ku lubaji lwa sukuulu nangwa kufunda.

Inge akye kyonse, kipwilo kikatampe kya Lesa, kubala ba Katolika, Polotesitati, bonse pamo, inge batambwile Mupashi Wazhila, ino ntanda inge yaikajikwa pakosa mu Bwinakilishitu; kechi kwakonsha kwikala ne kintu kitelwa mba komyunizimu ne; kechi kwakonsha kwikala kintu kyobatela mba malwang’ano, nangwa bulwanyi, nangwa bwitote, nangwa bushikwe ne. Yesu inge waikala pa Njitanda Janji, kabiji inge tubena kwenda kupita mu paladisa wakwa Lesa, na Bumi Bwapeenape, kwikala myaka ne myaka; basanguka kala mu mubiji mupya, nakwendauka, kwafwako kukota ne, kafwako kwikala na mvwi ne, kafwako kukolwa ne, kafwako kufwa nzala ne; na kwenda mulusekelo lwa Nkambo, na kwamba na banyama. Kabiji, oo, jikekala juba ja byepi! Bino twauba bintu byonse byapusanako na kyokya Aye . . .

⁸¹ Aye waambile mba, “Yainga panopantanda ponse na kusapwila Mamboawama.” Nanchi Mamboawama a byepi? “Kechi Kyambo kyonka ne, kanatu kupichila mu Bulume ne kumweshwa byubilo bya Mupashi Wazhila.” Kulengela Kyambo kya Lesa kumwekanyika, o Mamboawama.

⁸² Anweba kuuba mwikyuba ne. Bino, Yesu wayukile kyokyo, amba Aye wafwainwa kwikala na bumi mu Kipwilo Kyanji.

Onkao mambo, Aye wayukile mba kukekala maana a masukuulu. Kabiji kechi mwakonsha kwikitambula Kikyeye mu maana a masukuulu ne. Abo ba Kekikana. Mambo, kyo bayuka abo ke maana a kufunda kwa muntu, amo mafunjisho a bantu nangwa dinominesheni ye babena kukeba—kwikelako. Nanchi abo—abo bakekela mu kyonkya ne kukulenga obewa kwikala membala wa yewa mubiji, kabiji, mulongo, wakwambwila bintu bimo byafuma mu mafunjisho a bantu amweka nobe alumbuluka. “Kipwilo kikatampe kyazhila, inabo, kyaimene bimye byavula bingi, kyaimana na kinemenezhi kyabaya bingi.” Nanchi ne diabola naye; aye bamupanga bimye byabaya konsekonse, pepi nobe, kabiji ukiyatu kulutwe nangwa byonkabyo. Ee, mwane. Oo, bakonsha kweseka kwambula bibye.

⁸³ Nanchi Yesu wayukile mba kukekala kimye kyabafunda nobe byonka byokyajinga mu moba Anji, nobe byakomvwa mipika ne mapani, kabiji ne kumvwala bya kuvwala, ne mataneshi-azhinguluka, kabiji ne bintu byonse byonka byo baubile, byonse bye bintu byapusanapusanana byo bakooba. Aye wayukile mba bakoba kyokyo, nanchi Aye waambile mba, “Pano pembelelaikotu kamineti kamo. Amiwa kechi nkemusha kwakubula kwasho ne, Amiwa mbena kwiya jibiji pakuuba mba kekale ne anweba. Onkao mambo,” Aye waambile mba, “mingilo yo Nguba, ne anweba mukeyuba.”

⁸⁴ Eene mambo a kutumina Mupashi Wazhila ajinga akuuba mba Lesa akatwajijile mu jibumba ja bantu, mu kutwajijila na kusolola Lesa ku ntanda. Abyo kine byokiji. Kechi mwaila mafunjisho abantu ne, kechi mu dinominesheni ne, kana ku Bulume bwa lusanguko Lwanji, kupichila mukulengela Kyambo Kyanji kyaikala; pa kutola mulaye Wanji, kabiji ne kwimana ku lubaji lwa bacheche, kabiji kasa baketekela Lesa; kabiji monai jiulu jafita jabwela lunyuma, ne Bulume bwakwa Lesa bwatwelamo kabiji ne kutola luusa lonse. Amena. Akyo Aye byo akeba. Akyo Mupashi Wazhila kyo atuminwe. Akyo kyo kine kintu Aye kyo Amutumine. Twayuka byo Aji pakino kimye, kabiji oene mambo Aye kyo Amutumine.

⁸⁵ Onkao mambo, kechi kujipo mashi akwabo akonsha kutoksha bantu ne. Amiwa kechi nakonsha kwimutoksha ne, kabiji anweba kechi mwakonsha kutoksha amiwa ne, mambo atweba bonse twasemekwa monka mubukende. Pakuuba Yesu wasemekelwe kwa kubula masangola, abyo ibyo, nanchi Mashi Anji ajinga a kwitutoksha. Kabiji Lesa wayishile panshi, walenga mubiji, waikela monka, waichijile oa Mashi mukuleta kutokeshiwa kwa kikye, ao kine afumishe kuzhatwa kwa bundengamambo ne buvu. Nanchi, monka mu lwitabilo, kwitabila mwi Lesa, Lesa wikila ne kwikala mu mubiji wa muntu, monka mu kuzhijika kwa oa Mashi, kya mubika Lukunwa wakwa Abulahama, konka ku lwitabilo.

⁸⁶ Kwitabila kuuba mba aa Mashi akeya, aa Mashi atoka akonsha kwikala kyakukumya nobe Mashi anji, waendele kuyako panyuma “yakamweka nobe wafwa.” Waketekejile Lesa pa myaka tweti-faivi, aye myaka sebete-faivi, kabiji waketekejile poso byo afikile aduleendi. Kabiji Sala, sikisite-faivi, kabiji waketekejile poso wafika naite. “Kabiji aye wajingatu pomo nobe wafwa.”

Kabiji Lesa waambile mba, “Nanchi pakuuba mba bantu babule kwikiluba, musende umutwale kokwa ku katumbatumba ne kumupana ke kitapisho.”

⁸⁷ Aye waambile ku bakalume, “Anweba imanai kuno na mbongolo na kupembelela. Aye mwaana ne Amiwa tusa kuya

kokwa na kumupopwela, kabiji mwaana ne Amiwa tusa kubwela.” Oo, aye usa kwikyuba byepi?

Abulahama waambile mba, “Namutambwile nobe umo wafuma mu bafu. Kabiji Nayuka mba Aye wamumpele, nobe umo wafuma mu bafu, wakonsha kumusangula kufuma ku bafu inge Amiwa nalama Kyambo Kyanji. Lamai, Amiwa ndama Kyambo Kyanji; Aye wakonsha kumusangula kufuma ku bafu.”

⁸⁸ Kyaambilenga pe Kilishitu! Abyo byo Aji. Kabiji kupichila mukooka ka Kishi kamashi momwafumine Mupashi Wazhila, ao wajinga Ayemwine wakaswa mu mubiji watelwa mba Yesu. Aa Mashi atokeshe jishinda, konka ku lwitabilo, pa kwita bakulwa, nangwa Basalwa na Lesa. Kabiji umvwe mwaitaba Kyokyo, kabiji ne Mupashi Wazhila wafumyamo bujimuku bonse mwi obewa, Aye watwela monka, Lesa Ayemwine, kwingijilamo kyaswa muchima Wanji.

⁸⁹ Monka muno, akyo kyalumbulula mba mukulumpe wakito uzhingila bingi; kabiji awe mukwabo mukote *kananga-ne-kananga* uji kuno ubena kuuba *kikananga-ne-kikananga*; kabiji *awe* mukulumpe wakala ubena kwamba pa Kikkye, na kukana Kikye. Muntu wayulwa na Mupashi Wazhila ukemana monka mukachi kakyokyo. Amena.

⁹⁰ “Kabiji bayukile. Bajinga ba bilubi kabiji babula kufunda, bino bayukile mba bajinga ne Yesu.” Akyo kyo kyaishijile Mupashi Wazhila.

⁹¹ Awa mukulumpe wakala wipaya masabi kechi wakonsha ne kufwachika jizhina jinji ne. Bino waimene popa ne kwamba mba, “Ing’anyi ye tusa kuketekela, muntu nangwa Lesa?” Amena. “Lekai kiyukanyikwe kwi anweba, atweba tukatwajijila na kusapwila mu Jizhina ja Yesu.” Ami, ng’anyi kuchinchika! Aye wayukile mba wa—wajinga na Nzubo kokwa. Abyo ibyo. Aye wajinga mwenyi kabiji kang’enda kuno. Aye wakebelenga Muzhi ukeya.

Ngaawa kafutufutu pulisiti walumbulula ka kwi aye? Aye wajinga mushi ya dinominesheni wa Lesa wa Mwiulu, awa wasangwile Mwaana Wanji, Kilishitu Yesu, kabiji wamuyuzhizhe na Mupashi wa Lesa walengele meulu ne ntanda. Abyo byobyo kiji. Aye kechi wajinga na moyo wa kumuchina ne. Ine, mwane. Lufu. . .

⁹² Kika, byo bakwachile awa mucheche mubiji Sepetena wakala, ne kwamba mba, “Kibwezhai!”

Aye waambile mba, “Anweba mwakosa-mashingo, kabiji anweba mwabula kusembululwa kwa mu muchima ne matwi, kimye kyonse mukosakena Mupashi Wazhila. Nobe byonka byaubile bashakulu benu, nanchi ne anweba.”

Abo baambile mba, “Tusakukupuma ufwe!”

Aye waambile mba, “Obewa kechi wakonsha kuuba kyokyo ne inge obewa. . .”

“Tusa kwi mumweshwa kana musa kwikyuba nangwa ine!” Kabiji batolele mabwe akatampe ne kutatula kumwasa ku mutwe.

⁹³ Aye watajile peulu, ne kwaamba mba, “Namona Meulu kasa ashikuka. Namona ndandalashi ibena kwiya panshi. Namona Yesu saka aimana ku kuboko kwa kilujo kwa Mwine Mfumu.” Kabiji Baibolo kechi yaamba mba wafwile ne; aye waponejiletu mutulo. Oo, ami! Nakonsha kumona Malaika waikila, wamutola ne kumufya nobe mwaana mucheche, maama, poso waya na kulala. Oo, ami! Kine.

⁹⁴ Ao oene mambo a Mupashi Wazhila. Akyo Lesa kyo atumine Mupashi Wazhila. Aye Mupashi Wazhila waishile na kupana Bulume. Njina Binembelo bikwabo papo, pa mineti umo. Aye Mupashi Wazhila waishile na kupana Bulume kwi obewa. Amiwa—Amiwa kechi. . .Mwakonsha kutana kikye; Amiwa nji kwalepa bingi, bufuku buno.

Kwimupa Bulume, Bulume bwa milombelo!

⁹⁵ Mwatola muntu waikala bumi bwawama, bino kimye kyonse baikala bashindwa. “Oo, Ne mubuula. . .” Muntu wawama, “Oo, kine, Namutemwa Nkambo, Mulongo Branham.” Kimye kyonse washindwa, kechi batambula mikumbu ku milombelo ne.

Anweba yuzhai awa mwanamukazhi mucheche na Mupashi Wazhila kimye kimo, monai kyonsha kumweka. Umvwe waya ku meso akwa Lesa, aye kechi ushindwa ne. Aye wiya nakuchichika ku Jitanda ja Lesa, kasa aketekela. Uji na luusa mambo ke mwana wamukazhi wakwa Lesa, monka mu Kusemwa.

Tolai yewa mwanamulume mucheche, uji bingi na moyo, mukulumpe wakito wamutwala konse konse. Ne kwamba mba, “Mpembelelaiko mineti umo pano.” Kintu kimo kyapimpula, monai, aye uji na Mupashi Wazhila. Ukupa Bulume. Bumi bwenu bwayula na Bulume.

Ukupa Bulume mu ng’ambilo.

⁹⁶ Kika, ami, aba bantu bajinga na moyo, kasa baimana byobya; Petelo, Yakoba, Yoano, Luka, kabiji ne bonsetu bashala. Abo bayile pa nzubo ya peulu, na kwamba mba, “Oo, kechi twakonsha kwamba byavula ne. Abo, talai kokwa, kuji Dokotala *Kananga-ne-kananga* kabiji ne bikwabotu. Kuji Laabi *Kananga-ne-kananga* kabiji ne kananga. Mwayuka, wajinga na madigili foolo kufuma ku koleji umo; pano twakonsha kwimana kulubaji lwanji?” Petelo waambile mba, “Oo, Navuluka nkumupotesha masabi awa muntu juba jimo. Aye, waambile mba, kabiji Amiwa kechi nayuka kyo aambilengapo ne. Oo, Amiwa kechi nakonsha kumupachika ne.” Bino kika. . .

“Kika kyo twafwainwa kuba, balongo?”

“Aye waambile mba, ‘Pembelaiko.’”

“Kyawama, twaikala kuno moba foolo.”

“Twajijilatu na kupembelela.”

“Bimye binga?”

“Poso.”

“Kyawama, bushe Aye wikyambile mba kikekala pa juba ja bu faivi?”

“Aye kechi waambile bimye binga ne. Aye waambile mba, ‘Poso.’”

Kyawama, abo batwajijiletu na kupembelela. Bimye binga? “Poso.” Moba eiti apita. “Posotu.” Moba naini apita. “Posotu.”

Kabiji kyapelako juba ja Pentekositi byo jafikile, bonse bajinga pa kifulo kimo, na muchima umo.

⁹⁷ Lesa wajinga peulu yabo, mu Jikumbi; Lesa waendele nabo, pantanda; pano kintu kimo kikwabo kyaubiwenga. Kintu kimo kyajinga pepi kubiwa.

. . . bonse bajinga mukifulo kimo, na muchima umo.

Kabiji ponkapotu kwaishile kilulumo kufuma mwiulu nobe . . . kupupa kwa lubesha mukatampe, ne kuyuzha yonse nzubo yo baikemo.

. . . jimi yaabana . . . yaikele . . . pe abo.

Ya abana yo ika? “Yaabenwe.” Nobe kikukuma, mwakyumvwapo muntu uji na kikukuma? Abo baya, “uu-uu-uu, oo, uu-uu,” monai, kechi bakonsha kwambapo kintu nangwa kimo ne. “Yamujilo, yaabenwe.” Nobe *mapaswa a mukono*, kyalumbulula mba “kyaabenamo, mansanga.” Kechi baambilenga ne. Kechi bamamachilengatu ne. Kechi paji kyo baubilenga ne baubilengatu kyongo.

. . . jimi yaabana yaikijile pe abo, iji nobe mujilo. (Oo, kechi bakonsheshe kwikanya abo bene ne!)

Kabiji bonse bayuzhiwe na Mupashi Wazhila, . . . (Yii!)

⁹⁸ Pano kika kyamwekele? Balupukile kuya mu mikwakwa. “Nga awa Labi Jones ujipi? Uji kwepi awa mulongo? Kabiji awa kilobo wafunda uji kwepi?”

“Lesa wajinga peulu yetu, ne Mosesa, mu kipupu kyatemenenga; Aye witujishishenga na maana, mwine Mwiulu. Aye waendele ne atweba pa myaka isatu ne sikisi. . . pa myaka isatu ne bang’ondo sikisi, panopantanda. Pakino kimye Aye uji mwi amiwa. Kechi ke amiwa wamba ne; ke Aye. Nayuka Byoaji Aye, kabiji Nayuka Yami ng’anyi. Amiwa kechi nji byo najinga ne; Aye byoaji.”

Muletai kuno! *Anweba bantu bena Isalela, kabiji . . . anweba mwikala mu Yudeya, lekai kikyeye kiyukanyikwe kwi anweba—kwi anweba, kabiji umvwai ku jiwi jami, anweba bonse basapwishi ne balabi.*

Yii! Ami! Bulume bwakwamba! Oo! “Abo kechi batoma ne!” Kwambilako aba bacheche, ba aduleendi tweti, kwesakana pamo na teni sauzande nangwa bavulapo.

. . . bano kechi bapendwa, nobe anweba byo mulanguluka ne, mambo juba jikijitu ja lukelo.

Amiwa ne musapwishi wa Mamboawama apwijijika. *Pakuuba kino kyo kyokya kyaambile ngauzhi Yowela;*

. . . kikeya kufikizhiwa mu moba apelako, byo byaamba Lesa, Amiwa nketulwila . . . Mupashi wami (yii) pa bantu bonse: kabiji benu . . . Anweba mwamona Maliya na kuzha mu Mupashi, kwamba mu jimi ne bikwabotu? . . . pa bantu bonse: . . .

. . . kabiji ne pa baana benu ba bakazhi Amiwa nketulwila . . . Mupashi wami; . . .

. . . Nkamwesa biyukilo mwiulu, ne . . . biyukilo muno munshi; . . . mumbulungwa ya mujilo, kabiji ne luya lwa bwishi:

Lesu wajinga mu bantu Banji pakyokya kimye. Amena.

“Kyawama, pakino kimye, uji namg’anyi digili? Kwepi, wafuma ku ng’anyi sukuulu?”

⁹⁹ “Akyo kechi kijipo na lupusano ponkapano ne.” Oo, aye watatwile kwitulwilwa mu Kinembelo.

(Davida wamumwenejile jimo Aye!) . . . Nkambo kimye kyonse kunyuma yami . . . kechi kikasukena ne:

. . . nangwa byonkabyo muchima wami waumvwine lusekelo, mambo . . . kabiji lujimi wami wajinga na lusekelo;

. . . aye kechi ukaleka mweo wami mu lufu ne, nangwa kechi kaleka aye Wazhila Wami amba amone bubole ne.

. . . lekai ne mwambile mambo a mushakulu Davida, . . . aye wafwa ne kuzhikwa, kabiji ne kilende kyanji tuji nakyo . . . jino juba.

Pakuuba konka ku ngauzhi . . . aye wamwenejile jimo kwiya kwa Yewa Waoloka.

. . . kabiji lekai kiyukanyikwe kwi anweba, amba Lesa walenga yekawe umo Yesu, Ao ye mwaipale na maboko a bubi, byonse bibiji Nkambo ne Kilishitu. (Amena!)

¹⁰⁰ “Anwebakwetu ne balongo, tube byepi pakuuba mba tupuluke?”

. . . waambile mba, *Lapilai*, anweba bonse, kabiji ne kubatizhiwa *mu jizhina ja Yesu Kilishitu mululekelo lwa mambo enu, kabiji mu katambula wabupetu Mupashi Wazhila.*

Mambo mulaye walailwa kwi anweba, ne ku baana benu, kabiji ne kubonse banji kwalepa, ne bonse mo bavujila aye Nkambo Lesa wetu bo aketa. (Amena.)

¹⁰¹ Kikulutu Lesa uji na bantu, Lesa uji na Kipwilo, Lesa uji na Mupashi Wazhila kasa abena kuya Nanji. Akyo Lesa kyo apaijile Mupashi Wazhila. Bumuntu bwafunda bukeya; kimye kyonse. Bino Lesa uji na bacheche kutu kumo. Lesa uji na Kipwilo kicheche akyo kikenda kuya kulutwe na lubatizhilo lwa Mupashi Wazhila, pakuuba mba mukabile Kyeya. Kabiji abo bakekala, kupichila mu lushimuno lwabo, bakapingula ntanda.

Kechi Baibolo waamba mba Yesu waambile mba, “Batokwa baji na michima yatoka; abo bakamumona Lesa”? Kabiji kechi Kyaamba, mba, “Baoloka, bazhijikwa, bakazhachisha ntanda”? Kine.

Lushimuno lobe leelo lukaleta luzhachisho ku uno muzhi. Lushimuno lwetu lwa lubatizhilo lwa Mupashi Wazhila kabiji ne Bulume bwa Lesa, bumi bwazhila, bikaleta luzhachisho mu muzhi. Umvwe kikye. . .

¹⁰² “Abo batanshi bakekala ke bapelako; abo bapelako bakekala ke batanshi.” Amiwa kechi nayuka nangwa kimo pe Sankey ne Moody ne, mu lusanguko lwabo. Abo kechi bakayukapo nangwa kimo pe amiwa ne, mu ino. Bino Amiwa nkemana ku ino, na kupana lushimuno; nanchi ne obewa.

Kabiji kupichila mu kyokyo, na kukumbanya Kyeya kyobe, ne lubatizhilo lwa Mupashi Wazhila, kabiji ne bumi bo mwaikela nabo, kabiji ne byobya bintu Lesa byo auba kushinikisha mba Ubena kwenda muno; kabiji na maana abo, bafumineko ku Kikye; bakachibilwao na bazhijikwa. Abo bazhatwa kala. Abo bapingwila kala jimo. Oo, ami!

¹⁰³ Amiwa naambilenga pa Bulume bwa milombelo, Bulume bwa ng’ambilo, Bulume bwa bumi bwazhila. Amena. Abyo Mupashi Wazhila byo akonsha kuuba.

¹⁰⁴ Anweba bantu bamo mubena kwenda kuya kulutwe, na kwamba mba, “Kyawama, Amiwa kechi nakonsha kuleka kutoma ne. Amiwa kechi nakonsha kuleka *kikye ne.*”

Aye Mupashi Wazhila wiya na kwikala mwi obewa, ne kuuba byonse bye bintu bibula *kukonshaka* byafuma pe obewa. Abyo ibyo. Kyalengela banabakazhi baleka kutenda suki yabo, ne kwibalengela baleka kumvwala tuputula ne masilaki. Kafwako mwakunyemena ne. Kwibalengela baleka kuyebeka. Oo, ee, akyo kyo Aikelako, ku kulengela kwikala bumi bwazhila. Ukakokela mikambizho ya Baibolo pa kimye kyonse.

105 Mwanamukazhi waamba mba, “Kwakabisha bingi; Nafwainwa kumvwala bibye. Nkindengela mutwe kukola inge Naleka suki yami yakoma.”

Pakuuba kechi kujipo byakwijizhanya na Mupashi Wazhila ne. Aye uji konka kulengela bintu byamweka. Aye ukalondela Kyambo byonka byokiji. Abyo Mupashi Wazhila byo akonsha kuuba.

Ukulengela obewa kufumyako meso ku banabakazhi baji kichika-mulekese, kabiji waleka kwibobila lwisio, kabiji ne ba membala ba kipwilo. Abyo byo Kyafwainwa kuuba.

106 Ukulengela obewa kuleka kupepa fwaka ne kupendwa, kabiji ne kwikala...kukeba kwikala muntu mukatampe. Ukafumyamo kyokya mwi obewa. Ukakulengela kwikala wikepesha umvwe wauba kyokyo. Akyo Mupashi Wazhila kyo aikelako. Wa bumi bwazhila. Abyo ibyo. Kukulengela kuleka kuyebeka. Kukulengela kuleka kuteya makachi, kutaya miketo, kabiji ne byonse bye bintu byo muuba mwafyamika.

Kyakonsha kulengela obewa kuleka kutwajijila kuuba bintu byo ubena kuuba, kwikala wabula bukishika ku mukazhaji. Abyo byo Oba. Abyo ibyo. Kyakonsha kulengela kuleka kusongola mukazhi wabene. Abyo kine ibyo.

Abyo byo Aji. Ke kukulengela kwikala bumi bwazhila. Abyo Mupashi Wazhila bo Bulume bo aikelako, “kubika muchima obe watemwa bintu biji Mwiulu,” ako Lesa ko aimana ku...?. . .milanguluko ya Kilishitu iji mwi obewa. Anweba kechi mwakonsha kukwasha kuleka kumona bibye bintu ne; inge mwatala po, mwafumyako mutwe wenu. Abyo ibyo. Ke kwi mulengela anweba.

107 Anweba mwaamba mba, “Amiwa kuuba ne kyuba ne. Oo, Amiwa kuuba ne kyuba ne.” Kine, *kuuba* wikyuba ne.

Pakuuba aye Mupashi Wazhila waishijile mambo a kyokyo kintu. Abyo byo Kyaubiwe. Kyaishile na kwikifumya mwi anweba, byubilo byonse byakala ne bintu byo ubena kuuba.

Akwa kuyebeka-kwakala, kwi abanya obewa mwine, kwamba mba, “Apeshiwe Lesa, Amiwa ne Methodist, Amiwa kechi jipo na kintu kimo kyakuba nabo booba kyoongo-kyazhila ne.” Aye Mupashi Wazhila waishile na kufumyamo byo byo mwi obewa.

108 “Amiwa ne Baptist. Amiwa ne Presbyterian. Amiwa kechi nakonsha kuya ku konka kacheche kakala ka jibumba ja booba kyongyo-kyazhila.” Aye Mupashi Wazhila wayishile na kufumyamo akwa kukosakana konse mwi obewa. Abyo byo Aubile. Aye ukomvwa mu Mashi; wakolola. Abyo byo Aishijile na kuba.

Waishile na kukulola. Aye waambile mba, “Lengai mashinda akokomana oloke.” Abyo byo Eshila nakuuba; na kololapo.

“Kulenga byonse byazandama byaikala ke byakunama; kulengela mitumba yonse kumweka nobe mikoko ilume ibena kuzha, kabiji onse mabula abena kutota maboko abo, kwi obewa.” [Mulongo Branham wapopwela maboko anji—Waku.] Bang’onyi bema kypusanako. Mabbelu alusekelo abena kuvuma. Kechi kujipo mwakunyemena ne. Abyo kyo Aishijile na kuuba. Ao oena mambo Lesa kyo atumijile Mupashi Wazhila, pakuuba mba mube bibye bintu, amba mwende na kumulondela Aye.

¹⁰⁹ Pano kechi mbena kukeba kwimukozha ku michima ne, bino Najikwimubula anweba mba Amiwa nji kuno na bukishika bwapwijijika. Ke kwimulama na kubula kwimwasa, jimo jimo Nakonsha kukiluka mu mulaini pantu pamo; kabiji ne kwikala na Bukine, bino kwikala pa kyokyo ne kwikyubila mujishinda jakubula kwimukozha kyabaisha ne.

¹¹⁰ Bino Nasaka kwimubulapo kintu kimo. Inge Baibolo waamba mba kyatama mwanamukazhi kutenda suki yanji, kabiji waamba mba uji na Mupashi Wazhila kabiji wabwela wa tenda suki yobe, Nakumya kana uji nanji. Kechi muzhingile ne; inge kyaubiwa, akyo kyamweshwa mba kuji kiyukilo kikwabo kyakwimena obewa.

¹¹¹ Inge Baibolo waamba mba kyatama mwanamukazhi kumvwala kyakumvwala kypashang’anya na kya mwanamulume, kabiji wamvwala yuwe ofoloshi mucheche wakala ne masilaki mu mukwakwa, anweba banabakazhi bakoma! Naketekela mba mwaana mucheche wakonsha kwikala...kintu kyonse, mambo bakaya na basongwalume bacheche ne bintutu bikwabo. Bino, monai, inge obewa—inge anweba banabakazhi mwakoma, fiftiini, sikisitiini, eitiini myaka, kufika ne kuba nkambo babakazhi, mwalupuka pa mukwakwa! Kabiji Baibolo waamba mba, “Ke kyabunya ku meso akwa Lesa,” mwanamukazhi kumvwala byobyoby bintu. Kabiji mwibivwala, nangwa byonkabyo, kabiji ne kwamba mba muji na Mupashi Wazhila? Nakumya kimye kimo. Aye Mupashi Wazhila ukalondela Kyambo kya Lesa kufika ne kwapela.

Kabiji musapwishi uji kunyuma ya pulupiti, ao kechi ujipo na lusa byabaya lwa Kwikisapwila ne, Nazhinauka aye kana uji Naji. Abyo kine ibyo! Kyawama, akyo Mupashi Wazhila kyo aikelako.

¹¹² Ke kupana bulume ku musapwishi. Upana buzhile ku jibumba. Wikajika Kipwilo mu ndonda. Ke kuleta Mupashi wa kukwatakanya. Ke kwitukwatakana pamo na Bulume. Ke kwitukwatakana pamo ne butemwe, butemwe bwa balongo.

Amiwa kechi nasakamana ne nangwa wi Methodist, Baptist, Presbyterian, Lutheran, kiji kyonse, inge atweba bonse konka ku Mupashi Wazhila twabatizhiwa mu Mubiji umo, kabiji ne kwikala bamembala ba Mubiji wa Yesu Kilishitu, kechi

kujipo. . .kechi kuji kijipo ne, kafwako kulutwe ne; mu nzala, kubula kajo; kafwako kyakonsha kwitwabanya na butemwe bwa Lesa ne, butemwe bwa Kilishitu, “butemwe bwa Lesa abo buji mwi Kilishitu,” mambo atweba twasemwa ku Mupashi Wanji, twaomvwewa mu Mashi Anji. Atweba twi kilengwa kipya. Abyo Lesa byobyo aishijile kuuba. Akyo Mupashi Wazhila kyo aikelako. Ee, mwane. Abyo byobika.

¹¹³ Pano, bantu, talai pe amiwa, mu kilungi. Kuji maboko avula bingi aji kusutulwa peulu, amba muji na Mupashi Wazhila; monai, kine, byo kyajinga. Oo, pano Amiwa—Amiwa nsakubwela jibiji pacheche papo. Abye bya bikwa pa tepu. Bino tukatambula byavula keesha bufuku.

Inge waamba mba uji Naji, kabiji wazhatwa ku bibye, Amiwa nakumya kana kika kibena kukutangijila. Lesa kechi ukakutangijila kufuma ku Kyambo ne. Aye ukakulama na Kyambo, mambo ayo ke mizhilo yaji Lesa Ayemwine, ba Kipwilo Kyanji, ya bantu Banji, ne banabakazhi kabiji ya banabalume.

¹¹⁴ “Kyawama,” kwamba mba, “kechi kyakonsha kuleta bulemo pakuuba *kikye* nangwa *kyokya ne*.” Kechi kyakonsha ne? Akyo Kyambo kyaamba mba kechi kyubiwa.

Kabiji inge Mupashi Wazhila uji mwi obewa, Aye ukakutangijila kuya ku Kyambo. Kechi kukekala mwakubepela ne. Lesa kechi upipula bintu ne nangwa kwikala na mwakubepela ne. Aye ubika kiyukilo ne obewa wikilondela. Kyo kyonka. Abyo byo kiji na muntu yense. Anweba mwiiya mu musangotu umo.

¹¹⁵ Petelo waambile mba, “Lapilai, anweba bonse; ne kubatizhiwa, anweba bonse, mu Jizhina ja Yesu Kilishitu mululekelo lwa mambo enu, nanchi anweba mukatambula bupe bwa Mupashi Wazhila.” Mwamona? Byokiji. Twafwainwa kufika pa kyokya kipimo.

¹¹⁶ Pano Amiwa kechi natazha mukuuba mba ne mukozhe ku michima ne; Nemutemwa kyabaya bingi. Bino, mulongo, nyenga, bushe ubena kuvuluka, na . . .amba Nayuka mba Nafwainwa kwimana mu moba apelako muloolwa lusanguko, na kino kisemi kya bantu, kabiji ne kupana mukumbu pa kikye Kyambo? Kabiji Mupashi Wazhila kasa abena kumwesa kikye, kabiji ne amiwa na Kwikisapwila monka mwa, kwepi ko mukemana? Anweba mu kekinyema byepi? Obewa kuuba wikyuba ne, mulunda. Kwikyuba ne. Pano lekai kyokyo. Kyonse kyo mubena kuuba kyatama, kilekai.

Mwaamba mba, “Amiwa kuuba nauba ne.”

Nanchi obewa kechi uji na Bulume-bwakuuba mwi obewa ne. Inge Mupashi Wazhila waiya, Aye ukupa Bulume bwa kushinda pantanda. Kabiji inge anweba . . .Telekai byo Aambile. “Inge mwaatemwa ntanda nangwa bintu bya muntanda, ke mambo kuuba mba butemwe bwakwa Lesa kechi buji mwi

obewa ne.” Pano, kechi kuji mwakubepela ne. Aye wikibikatu patoka, kabiji twafwainwa kufika pa kyokya kipimo.

¹¹⁷ Nayuka mubena kulanguluka mba mbena Kwimulengela moyo. Bino Amiwa nayulwamo na kuleta moyo ponkapano. Mwamona? Telekai. Akyo kyakine. Pano iyai ku Kikye, mulongo, nyenga.

¹¹⁸ Kechi muleke baabo bamo balongo bafunda be mubuule mba, “Oo, abyo ke milanguluko yakala byabulamo kintu.”

Inge Ke milanguluko yakala, nanchi Lesa ke milanguluko yakala. Kabiji umvwe Lesa uji na milanguluko yakala, nanchi Amiwa byonji, ne amiwa. Amena. Nasaka kwikala pamo nobe Aye. Kika? Mupashi Wanji uji mwi amiwa, awo ufwa nzala ne kumvwa kilaka, ne kutela byonse byapusanako na Kyambo. . .

¹¹⁹ Inge bantu baamba mba, “Kijitu bulongo, oo, inge muntu ubena kuteya ngyuka icheche mwakusangalela, kabiji ne kuteya ngwee nangwa babiji. Kijitu bulongo.” Lesa waamba mba kechi kiji bulongo ne.

¹²⁰ “Oo, inge watomako pachechetu, ne kupendwako pacheche, mu bimye bimo.”

Bino Lesa waambile mba, “Malwa anji.”

¹²¹ “Oo,” mwaamba mba, “kijitu bulongo, Mulongo Branham. Na—Na—Natenda suki mambo a kintu kitutulu. Mwanamukazhi, mwayukatu, banabakazhi bashala babena kwikyuba.” Amiwa kechi nasakamana bibena kuuba banabakazhi bashala ne. Abo kechi kyo kyakumwenako kyobe ne nangwa kechi bo bakulampe bobo ne. Inge uji na Mupashi Wazhila mwi obewa, mukalondela mikambizho Yanji nangwa bantu bambe bya musango ka pe obewa.

¹²² “Kyawama, Mulongo Branham, kwakaba bingi, kabiji Nakonsha kumvwa *bikananga-ne-bikananga* byakuvwala.” Ngehana yakaba kukila pa kyokya, nyenga mutemwe. Lekai ne mubuule kyokyo. Kabiji—kabiji kwikyuba ne. Anweba vulukai kyokyo.

¹²³ Kabiji aye Mupashi Wazhila kimye kyonse ukakutangijila ku Bukine, kabiji Bukine Bwanji ke Kyambo. “Kyambo Kyami bo Bukine. Lekai kyambo kyonse kya muntu kikale kyabubela, pakuuba Kyami kikale kyakine.”

Kabiji ngilangulukaitu, “kyabunya.” Mwakonsha kulangulukapo nyi?

¹²⁴ Akye ke kyambo kyatama wamwingilo kwamba, bino Nayapo mu bifulo byakukokolokelamo amo mobobatu. . . Wakonsha kulupukamo, pepitu, kyajingatu kiji na. . . Kabiji ne bintu byatama pa lubumbulu. Nalangulukile mba, “Mujishinda ka bantu jo bakonsha kubwelelamo panshi byobya?” Kabiji nukilo yatama! Kabiji inge Natwela mu byobya bifulo, Amiwa kimye kyonse ndanguluka mba, “Binuka bingi!” Nakonsha. . .

Amwa mukachi, Nakonsha kukwata myona yami *bibye*, pakomvwa maboko ami. Amiwa ngikala na moyo wakuuba mba inge Nakwata ku kyakushikwilako, ne jikwabo, kwakonsha kutanwa tubishi kufuma ku bikola bisambuzhanya ne bintu bikwabo. Kabiji Nalangulukile mba, “Oo!”

¹²⁵ Juba jimo, byo naimene ku kibaza kyandeke, kifulo kimo kyo Natwelelemo, nangwa kifulo kya ngyangi ya sitima, Natwelele momwa. Kabiji Nalangulukile mba, “Oo, lusa.”

¹²⁶ Kabiji Kintu kimo kyaambile kwi amiwa, “Ao ye musango ntanda byo inuka kwi Lesa. Ke kyabunya.”

¹²⁷ Nalangulukile mba, inge Namona mwanamukazhi ubena kwenda mu mukwakwa, aye mwine uji muyewa musango, kabiji wavwala bya kuvwala bya mwanamulume, abyo byo kimweka kwi Lesa. Ke kyabunya, kintu kimo kyandochi kabiji kinuka, ku meso akwa Lesa. Nangwa byonkabyo, aye ukaya ku kipwilo pa Mulungu, ne kwiwamisha.

Kwakonsha kuya mwanamulume kokwa, na kutoma, ne kubepa bubela, kabiji watemwa mali, kabiji ne kubepa mwina kikalankulo, kabiji ne bintu byonse, na kutambula mali acheche akilukapo; kabiji ne kuuba bibye bintu, ne kuteya nguka, ne kupepa, ne kutoma, ne kubepa bubela; kabiji wabwela waya ku kipwilo na kupana lushimuno. Kyabunya! Biko! Akyo ke kipwilo kya bafunda.

¹²⁸ Kwaamba mba, “Kyawama, Nalamata ku kipwilo.” Ee, kabiji mwafwainwa kulupula kipwilo, mamineti fiftiini, pakuuba mba bonse bakwashi ne bonse bapepe fwaka, ne kafunga, ne aye, saka mukyangye kubwela na kupwila ne. Mbulai! Ipatule obewa mwine ku kintu kyonse kyabubipisho!

¹²⁹ “Nkowesha mubiji; Amiwa nkamonauna.” Lesa waambile mba Ukekyuba. Kabiji leelo, na mambo a kaasa, yaleta lufu lwakila pa naite-paseti, ya kikolomeno ne kaasa wa mapwapwa, wiya na kupepa fwaka. “Nkowesha mubiji; Amiwa nkamonauna.” Bino abo bakaswa-na ngehena, babena kuyatu, abo kechi bayuka ne.

Kabiji ne musapwishi umo waimana mu pulupiti uji na digili foolo, kufuma ku koleji, ubena kupepa, aye mwine. Lekai ne mubuuleko kintu kimo, mulongo. Aye Mupashi Wazhila watumina ku banabalume ne banabakazhi amba bafume mu kyokya kintu. Ipatuleko obewa mwine!

Kyambo kya *kipwilo* kyalumbulula mba kwikala “wa abanwako.” “Fumaimo mukachi kabo,” byo byaamba Baibolo. “Kukwatako ku kyabubipisho bwabo ne, kabiji Amiwa nkemutambulwila; kabiji anweba mukekala baana babalume ne babakazhi kwi Amiwa, kabiji Amiwa kekala Lesa kwi anweba.” Oo, ami! Amiwa kechi natazha mukuuba mba ngikale wapusanako ne, bino Natazha mukuuba mba ngikale

wabukishika ne kwikala wabukine. Ee, mwane. Oo, kintu k yatama bingi!

¹³⁰ Banabalume ne banabakazhi, pepi po twaimana leelo? Kwepi ko tuji? Twayai tuleke.

¹³¹ Bufuku bukwabo, kubunshiya bwa kipona kyakala mu kibamba, (kabiji Nafwainwa kushika), kicheche kya bipona bibiji. Panyuma ya kulomba pa moba asatu nangwa foolo, nanchi Najinga mu kifulo kya musango yewa, kuya na kuzhokoloka, ne kulanguluka, “Anweba Lesa,” kabiji Nafikile mu kyokya kifulo kyakuuba mba kechi Nayukile kyakuba ne. Naambile mba, “Leso, tuji kupelo ya jishinda. Kabiji Navulukile mba Naikala na mulekelesha. Amiwa najinga na lwito lwa kuya kulutwe, kabiji naikala wakoka, kabiji nakakalwa kwikyuba ne.” Nalangulukile mba nanchi Nakonsha kumona Nkambo yami ubena kutalatata na kupita mu fishi kulutwe, Aye wakokelen bingi kya kuuba mba kechi Wakonsheshe kusutulu kulu kulondela kukwabo ne, bino Aye kechi wajinga waubisha... Waimene pa yewa mwanamukazhi wa ku Nine, kabiji ne pa nsongwalume waletelwe wafwa; poso Aye wakonsha kuya na kukwata kumakila, ne kwingijisha bulume bucheche bwajinga mwi Aye pakuuba mba asangule awa nsongwalume. “Kyawama, Amiwa nakokele byepi? Lukatazho ka lo njinalo amiwa, Nkambo? Pano Nalanguluka mba, ‘Kyawama, Natatula kuya nakukoma. Ami—Ami kechi nakonsha kwikyuba ne.’”

¹³² Kwajinga Mosesa, yeka Leso umo ye Ng’ingijila, waimene byo bya, pa myaka aduleendi tweti.

Kwajinga Kaleba, waimene pa myaka naite, na poko mukuboko kwanji, kabiji waambile mba, “Yoshiwa wabikile iye mpoko mu kuboko kwami, myaka foote yapitapo.” Aye wajinga eite pa kyokya kimye. Waambile mba, “Amiwa njitu mwanamulume wawama leelo byonka byo Najinga kyokya kimye.” Amena.

Naambile mba, “Leso, ngubilai lusa.”

¹³³ Naambile mba, “Kyawama, talai kuno, Amiwa kimye kyonse...” Kabiji Natolele bakazhi bami (kunyuma kokwa) pa kuboko, kukilang’anya yuwe Baibolo kabiji ne Baibolo wanj mucheche, kabiji Naambile mba, “Mutemwe, Amiwa naikala wa kwibwelamo bingi. Aye Mupashi Wazhila uzachisha mukachi kami.” Naambile mba, “Nalanguluka pa totwa tu baluyeye kokwa. Navuluka pe Hattie Wright kunyuma kokwa, kabiji ne bansongwalume bancheche. Nalanguluka pa byaubile Leso, pa kumwesho mba Aye ye Leso, awa wakonsha kulenga.” Aleluya!

Nalangulukile mba, “Aye wambunjile kyokyo, myaka yapita kunyuma, ‘Amiwa kechi nkakusha ne. Amiwa kechi nkakuleka obewa ne. Kafwako muntu nangwa umo ukakwimena obewa ne, moba onse abumi bobo. Amiwa kekala ne obewa. Kabiji kufuma ku kukwe kuboko kwa kuyuka bapashi, kikeya kyakuuba mba

ukayuka kyafyamika kya mu muchima. Panyuma ya kyokyo, kikayanga na kukoma na kukoma.’ Mwaka umo kufuma popa, kyamwekele kyalumbuluka, ntanda yonse kuzhokoloka. Kwaiya yuwe, awe mwingilo mukwabo mukatampe, wakila pa kikye.”

Naambile mba, “Mutemwe, Natola kuboko kobe. Kupichila mu bukwasho bwa Lesa kabiji ne lusa lwa Lesa, kechi mundeke amiwa ngikale jibiji wakokelela ne. Lekai ng’ende kuya kulutwe na kukwe kusangululwa ne kusapwila kukila pa bimye byapita kunyuma. Lekai ngye kuno, na kwizhijika amiwa mwine, ne kulenga jishinda ja bantu; amba bubi bwami amiwa mwine, mulekelesha wami amiwa mwine ekale mushi ya Mashi, bilubo byami amiwa mwine bikale mushi ya Mashi, kyakuuba mba Nakonsha kulupuka ne kwamba mba, ‘Ndondeinga, bantu.’” Abyo ibyo.

Nashikwa kumona shetu kwamba mba, “Obewa yanga ukeyyube.” Natemwa kumona muntu umo wakonsha kutangijila kuya na kwikyuba. Ee, mwane.

¹³⁴ Kuno kimye kyapita kunyuma, twajinga na mujilo mu siiti kuno, Pfau Oil Company waambukile mujilo. Bajinga na Kipamo kitala pa Mujilo mu Jeffersonville kyafikile. Kabiji mulunda nami, muntu wawama, kechi wapijilwa na mujilo mukatampe byobya ne, wayileko, na kwamba mba, “Sansai meema acheche peulu *papo*, basongwalume. Sansa meema acheche peulu *papo*.”

Kwaiya bacheche ba ku Clarksville kokwa, “na kukambizha, na kukambizha, na kukambizha, na kukambizha,” nyemenai popa. Kabiji waambile mba, mukulumpe wa mujilo watolokele, na kwamba mba, “Sansa meema acheche panshi *papo*. Lalai yuwe windo *papo*. Sansa meema acheche *konkakwa*.”

¹³⁵ Pakuuba kubushiya bwa mukola kwafumine bafunjishiwa bya mujilo ba ku Louisville. Awa kanda mukatampe ne ndandalashi kasa bikyangye kwimana aye mukulumpe wafikile ku kipela kya ndandalashi. Ndandalashi byo yatwajilwe peulu, aye wajinga palutwe. Wataya kapasa kanji kasa akyangye kufika koka, kabiji walala ne windo, na kwamba mba, “Iyai kuno, bansongwalume!” Abyo byokiji. Awa mujilo wazhimine mu mamineti achechetu.

Kechi mba, “Sansa meema acheche *papo*. Sansa meema acheche *papo*.” Kiiya mu milanguluko, na bamo basapwishi bafunda.

¹³⁶ Ndondeinga! Twayai tuyenga! Nayuka mba Ke Bukine. Natompapo ne kumona. Lukumo! Aye Mupashi Wazhila uji bulongo. Lesa wawama. Kechi mweseke *kuno ne*, esekai *kokwa*; twayai tutwele mwi Aye! Aye uji pano. Ke enu. Lesa wapaine Bulume Bwanji ku Kipwilo Kyanji. Kechi kusansa *bibye* papo ne, kabiji sansai; kafwako kyo mukamona kyaubiwa ne. Tangijila

kuya! Amena. Uu! Yii! (Kechi wakonsha kumona kupita kuya kulutwe ne.)

¹³⁷ Amena! Kika kyo tusa kuuba? Muntu yense waikala muno waayulwa na kintu kimo.

Nanchi Amiwa nsakushika; lekai ne kyube, panyuma ya kyokyo.

Obewa wayuzhiwa na kintu kimo. Obewa kechi wakonsha kwikala popo kwakubula kuyulwapo na kintu kimo ne. Uji na bumi mwi obewa. Abwa bumi bukulama obewa, kabiji abwa bumi bulamwa na mupashi.

Pano, wafwainwa kuyulwamo na ntanda, ne kutemwa ntanda nangwa bintu bya muntanda. Lesa akubile lusa.

Wafwainwa kuyulwamo na mafunjisho a kipwilo kimo, milombelo imo icheche yomwamba, mulanguluka mba ya konsha kulomba ku muntu wafwa, nangwa—nangwa kulenga kintu kiji nobe kiyukilo pe obewa. Lesa akubile lusa.

¹³⁸ Kabiji wafwainwa kuyulwamo bupopweshi, kabiji akyo kyakila mukutama. Abyo ibyo. Abyo ibyo. Aye Baibolo waamba mba, “Mu moba akupelako bakekala bapopweshi bingi, baji na musango wa bulesa; kasa baji na kipashang’anotu kya munema wa bulesa, bino sababena kukana Bulume bwao: ku babyobyoby fumaiko.”

Inge wayulwamo na bupopweshi, wi kamulanda; bupopweshitu bonka, kyo kyonka. Inge wayulwamo na mafunjisho a bantu, kechi wayuka kyo ubena kwambapo ne. Inge wayulwamo na ntanda, wi mpofu.

¹³⁹ Kabiji pano, jikwabo, wafwainwa kuyulwamo na Mupashi Wazhila. Amena. Naketekela mba byo uji. Kabiji, inge kechi byo uji ne, Naketekela mba obewa wakonsha kuyulwa. Kabiji umvwe mwayulatu na Mupashi Wazhila, kika kyo uji nakyo? Obewa uji na Bulume. Obewa uji na mutemwe. Obewa uji na mutende. “Mutende wami Nkapana kwi obewa; kechi nobe ntanda ne, byo Mpana kwi obewa.” Uji na mutende. Obewa wabikwa katetesho. Uji na kiyukilo. Amena. Obewa uji ku kukokoloka. Uji na lusekelo lwa kunkakalwa mba, ne kuyulwamo na lukumo. Obewa wajimbwa. Oo, ami! Abyo byo uji, na Mupashi Wazhila. Uji na . . . Inge wayulwa na Mupashi Wazhila, “Anweba mwafuma kulufu kuya ku Bumi,” kupembelela lusanguko lwa bonse mu juba jikapelako.

¹⁴⁰ Mu ntanda ikeya, kupichila mwi Nkambo yetu Yesu Kilishitu, kabiji ne Bamumwene kasa abena kwiya mu lukumo ne mu bukata, “Kalunga ka meema kakalupula bafu bajimo.” “Mibiji ya bubole ya booba balala Mwiaye baka . . .”

“Balala mwi Aye.” Mutwela byepi mwi Aye? “Konka ku Mupashi umo atweba bonse ko twabatizhiwa mu Mubiji umo.”

“Aya mibiji ya booba balala Mwiaye bakaluka ne kulengwa mu mubiji Wanji Mwine wa lukumo, mo monka Aye mo afwainwa kunyachijila bintu byonse kwi Ayemwine.”

“Naumvwine Jiwi kufuma Mwiulu,” byaambile Yoano, “jaambile kwi amiwa, ‘Unembe mba, ‘Batokwa bafu bafwila mwi Nkambo. . .’” Mukatwelamo byepi? “Konka ku Mupashi umo ko twabatizhiwa mu Mubiji.” “‘. . . bafwila mwi Nkambo kufuma ku kino kimye; mambo bakokoloka ku mingilo yabo; kabiji ne mingilo yabo ikebelondela.’” Uu!

Akyo Aye kyo atumijile Mupashi Wazhila. Oo, luketekelo lwapeshiwa, Yesu ye wami! Amiwa nji mwi Aye, kabiji Aye uji mwi amiwa; ba Taata mwi Aye, kabiji Aye mwi Bataata; ne Bataata mwi amiwa, ne Amiwa mwi Aye.

. . . Yesu ye wami!

Oo, twatopako pa lukumo lwa Bulesa!

Amiwa ne swanyi wa lupulukilo, wapotwa kwi

Lesa,

Wasemwa ku Mupashi Wanji, kimye kyo waomvwewa mu Mashi Anji.

Amena. Amiwa kechi nakonsha kupota ne. Oo, ami!

Yense lubbi ne daimoni, ne silivwa ne golode,
Anji matala ayula, Uji na bunoshi
bwakukakalwa kutongola.

Mambo Amiwa ne mwaana wa Mfumu!

Amiwa ne mwaana wa Mfumu!

Na Yesu Mupulushi wami,

Kyandengela ami kwikala mwaana wa Mfumu!

¹⁴¹ Amena kabiji amena. Amiwa kechi nakonsha kwikipipula ne. Amiwa kechi nakonsha kwikipipula ne. Njina bibiji nangwa bisatu bikwabo binemb- . . .

Nanchi, kino ke Kinembelo kikwabo. Inge—inge mwayuzhiwa na Mupashi Wazhila, abyo byo bintu byo uji nabyo. Pano yobe ng’anyi, ku ntanda? Wi mwenyi. Nayuka mba ke kimye kyapwa, bino kechi kyapwa ku kikye ne. Wi mwenyi! Oo!

Twi bakang’enda kabiji twibenyi muno,

Tubena kukeba Muzhi ukeya,

Bumi bwa bwato bubena kwiya katatakatu,

Nakubungizha pamo Kumuzhi Bunoshi

Bwanji.

¹⁴² Nakonsha kumvwa meema apanga kyongyo kubushiya bwa Mukola wa Ohio, kimye kyo Najinga nsongwalume mukulumpe, pepi nobe myaka tweti-tuu, na kwimba kyokya. Kabiji Naumvwine, natajile peulu yami, kabiji naumvwine Jiwi, jaambile mba, “Tala peulu.” Akye kiya Kyeya kikatampe kyakobamine peulu, kwiya panshi pe amiwa, kabiji kyaambile mba, “Byoka Yoano Mubatishi byo atuminwe bumuluwe bwa

Kwiya kwa Kilishitu kimye kitanshi, obewa ukekala na Mbila ya Kwiya kwa Kilishitu kwa bubiji.”

Oo, Nakonsha kwikitabila byepi? Bino kyamwekeletu musango umo. Kabiji bufuku buno mijilo ya kusangululwa ibena kutema mwaya ntanda. Kipwilo kya Lesa Kikatampe kyapotwa kisutula Akyo kine mu kyokya kifulo, kabiji ne kipekenyi kikatampe kya lubuko, kabiji biyukilo, ne bya kukumya, ne byabulume, kasa bimweshwa Kwiiya.

¹⁴³ Obewa wi mwenyi, kabiji obewa wi kang’enda. Obewa uba bintu byenyi, byapusanako na byo waubanga kala. Obewa kechi uuba mo waubilanga kala ne. Bantu...Aye Mupashi Wazhila, inge Waiya pe obewa, kabiji wayuzhiwa na Mupashi Wazhila, ulubako bintu bya muntanda. Obewa ulubako bintu byakonsha kukusendula. Obewa wibilubakotu. Pano obewa wikala—kilengwa kyangubilo-yapusanako, mwaana jimbata wamwekelo yatama, kwi abo, kaana kampungu kakacheche katotokele pa kisa kya nzolo; kyo Nasapwijilepo, *Kabiji Umvwe Mpungu Wafukamina Pa Kisa Kyanji*. Obewa wi kilengwa kiji na mwekelo-yatama, kwi abo.

Bino, oo, ami, nsambena kwenda kuya mu Jishinda ja Mfumu! Amena. Oo, ke Jishinda jikatampe ja kuya kwi Mwiulu. Kabiji Amiwa mbena kwenda kuya mu Jishinda ja Mfumu.

Kwaamba mba, “Talai pa yewa upanga kyongo-kyazhila, aka kaana ka jimbata kamwekelo yatama. Awa ke yewa musapwishi upanga kyongo-wazhila.”

¹⁴⁴ Musapwishi wayakuwa bingi wajikwamba ku mwanamulume leelo, mu Louisville, waambile mba, “Nasaka kukwasha Mulongo Billy, bino mwayuka kyo Nakonsha kuuba? Nakonsha kufumyako shingo yami.” Obewa kechi wafwainwa nkumbikila shingo yobe ne.

Aye wafumyako bumi Bwanji mambotu aamiwa. Amena! . . . ? . . . Ubeni kwendatu Jishinda jikatampe ja Mfumu, byo byonka. Oo, ami! Bayuzhiwamo na Mupashi Wanji! Basemwa ku Mupashi Wanji! Waomvwewa mu Mashu Anji! Aleluya! Kyalusekelo!

¹⁴⁵ Kabiji kintu kikwabo, kika, kika kikulengela kuuba kyokyo? Obewa wi muntutu, bino kika kikulengela kwikyuba? Ke mambo akuuba mba obewa wiya, obewa, Mupashi obe ufuma kwiulu. Ke Lesa mwi obewa.

¹⁴⁶ Byo Naile ku Loma, Namwene mba abo, bonsetu, bajinga na mupashi wa ki Loma. Byo Naile ku Greece, bonse bajinga na mupashi wa Kingiliki. Naile ku England; bonse bajinga na mupashi wa Kinamagalande. Inge mwaya kuya ku mampuzha, mutana . . . Kabiji pano mutana mupashi wa Kinamerica; wakila kutama.

¹⁴⁷ Byo Naile ku bilende bya ku San Angelo kub Loma, bajinga na kiyukilo kyabikwa kokwa, “Nasashijila, banabakazhi bena America, mvwalai bya kuvwala, kupana mushingi ku bafwa.” Mwinamerica mupashi.

Bamona byo bafuma mundeke, kabiji bamvwala bya kuvwala bicheche, ne bantu bonse ke baye na kwibamona, kabiji ke kwiya Miss America. Awo ye mupashi mwina America. Wakonsha kubuulang’ana mba wafuma ku kananga; mvwanjilo, nsongwalume, ubena kundosa panyuma yanji kabwa wabayamona. Abyo ibyo. Oo, ee, uji na . . . Aye, aye ke America, Miss America; kwenda nakuya, mwayukatu, na bwitote byo bya. Kika? Aye uji na mupashi waki na America. Pakuuba Yesu waambile mba, Wikikanyishe mu joja juba, Aye waambile mba, “Anweba mwi bapano panshi. Amiwa nafuma Mwiulu.”

Kabiji inge uji na Mupashi wa Kilishitu mwi obewa, obewa wafuma Mwiulu, nanchi obewa wi mwenyi pano.

¹⁴⁸ Bino uji na musango wa byubilo bya kifulo kyo wafumako. Abyo byo Mbena kweseka kwamba. Mwina Loma waiya kuno, wakwanya mu mutwe wanji; kabiji ne mwina German waiya kuno; Mwinamerica wayakokwa. Kika? Muji nas mipashi ya byo byo byaalo konka ko mufuma.

Akyo kyo kitulengela kwikala kyapusanako na ntanda. Obewa wafuma Mwiulu. Obewa wasemwa. Obewa wi—obewa wi ngikazhi wa mu Bufumu bukwapo. Obewa wikiketela nyi? Abyo Mupashi Wazhila byo aji, ke kukulenga obewa kwikala ngikazhi wa mu Bufumu bwa Lesa.

¹⁴⁹ Nanchi, inge wi ngikazhi wa mu Bufumu bwa Lesa, Wakonsha kukulengela kwikala na ng’anyi byubilo? Nobe Lesa byo ooba mu Bufumu Bwanji. Pano, ng’anyi kintu Lesa kyo oba mu Bufumu Bwanji? Ke buzhile, bololoke, buwame bwa milanguluko, buwame bwa mu muchima; Bulume ne butemwe, kuya ku balubilamo, kubuka bakolwa, ne kuuba bya kukumya, ne kuuba bintu bikatampe. Nanchi, ku ntanda wakonsha kumweka nobe wakonya, kabiji baamba mba, “Abo bantu balubakana mu mitwe yabo.” Mwamona? Bino obewa wi ngikazhi wa mu Bufumu.

¹⁵⁰ Kinembelo kimo kikwabo, inge mubena kukeba kunemba, Yoano 12:24. Lekai ne kyambe bukiji bukiji. Yesu waambile mba:

. . . inge *aja jipeke ja wichi japonena mu mushiji* . . .
kana jafwa, kuuba jaleta bumi bukwapo ne.

Pano, talai, kintu kimo kya kupezhako. Kabiji vulukai, pano, kyabukine. . . Pano, kwi anweba bantu, kyanema bingi kabiji kikebewa, kabiji kyakambizhiwa ne ku kumbana ku bonse, amba mwatambula Mupashi Wazhila. Mambo, inge kechi wikyuba ne, kechi wakonsha kwiya mu lusanguko ne. Pano monai. Lesa kechi wakonsha kulala mizhilo Yanji ne. Twayuka kyokyo. Aye ulondela mizhilo Yanji.

¹⁵¹ Pano, ji—jipeke ja wichi, nangwa jitaba, twafwainwa kutola, nobe Yesu byo aambile. Nangwa byonkabyo, ji—jitaba, mu Baibolo, Najikutangapo leelo, kyatala ku lumono nangwa lukunwa uji yense, bino, wichi, bbale, mataba, nangwa kiji kyonse, ke lubaji lwa jitaba. Pakuuba lukunwa wa wichi waponena mu mushiji, pano, kuji... Atweba bonse muno twamona, twayuka mba akye kimweka. Aja jipeke ja wichi, nangwa jipeke ja jitaba, jakonsha kumweka nobe byonka byo jafwainwa kwikala, ne kwi jibika mu mushiji, kabiji umvwe aja jitaba...

Jiji na bumi bwakikupu. Jikaya panshi leelo, ne kusema ajo jine mu kinenge; kabiji wabwela jibiji, ne kubwela jibiji; kabiji jibwela jibiji. Ke bumi bwa kikupu.

Inge awa lukunwa kechi uji na ka kishi ka bumi ne mwi ako ne, kechi oene mambo ne nangwa kamweke kuwama byepi, kechi jikamena ne. Jakonsha kufika mu mushiji ne kubola, kabiji byo kiji. Lubaji lumo lwakyo, byafumamo, byakonsha kwingijishiwa nobe mbolesha mu mushiji kabiji ne bintu mu mushiji. Bino umvwe jatwajijila kwikala na bumi, kechi jakonsha kwikala na bumi ne kanatu kwikala na bumi kikupu. Uji yense wayuka kyokyo. Anweba kechi mwakonsha ne.

¹⁵² Kwakonsha kwikala bantu babiji, umo ujitu byonka byokiji, byonse bibiji bijitub pamo. Umo wa mwiabo wakonsha kwikala muntu wawama, aye wakonsha kuuba mingilo yawama, aye wakonsha kuuba ne bikwabotu; pakuuba kana awa muntu waikala na Bumi Bwape mwi aye, kechi ukabuka mu lusanguko ne. Aye kuuba wikyuba ne; kechi mujipo kintu kimo kyakonsha kumusanguka ne. Kechi kujipo kintu yakonsha ku muleta ne, kechi mujipo Bumi ne. Nanchi, mwamona, mulongo wami, mutemwe nyenga, kanatu muntu wasemwa jibiji, aye kechi wakonsha kubwela mu bubwe Bufumu ne. Aye kechi wakonsha ne. “Kanatu aje Jipeke ja wichi japonena mu mushiji ne kufwa jafwa.” Aye waambilenga pe Ayemwine. Bino Aye, kechi wajinga bumi bwatwajijila ne, Aye wajinga na Bumi Bwapeenape; kabiji Bumi Aye bo apaine kwi obewa, pakuuba mba wikale na musango umo wa Bumi.

¹⁵³ Pano, inge uji na bumi bwa bumuntu, bwakuuba mba wakonsha kwendauka ne kwikala na lwiso, “Aye wikala na kisangajimbwe wa wafwa saka aji na bumi,” kechi wakonsha kusanguka ne. Wakonsha kwikala nsongwakazhi waya bingi kuwa mu sukuulu, wakonsha kwikala nsongwakazhi wayukanyikwa mu bya kukaya bisela mu mpuzha yenu, wakonsha kwikala mwanamukazhi wamvwala-bulongo mu kyaalo, wakonsha kwikala walambisha, wakonsha kwikala washimikwa bingi bulongo, wakonsha kwikala kilubi ku balume bobo, wakonsha kwikala byonse bye bintu, akyo kiji, kyawama, bino, Nyenga, kanatu uji na Mupashi Wazhila mwi obewa, ao

ye Bumi Bwapeenape, pa mpelo ya lulwe lwendo obewa nishi wapwa.

Kabiji Amiwa kechi nasakamana na byo umweka nangwabibye byo biji ne, nangwa wikale wabula kuya kuwa nangwa wayukanyikwa byepi, byo walamba nangwa kubula kulamba, inge uji na Bumi Bwapeenape, *Akwa* ukekala myaka ne myaka.

¹⁵⁴ Kimye ng'ondo ne tubaangabanga byo tukaya, kabiji ne ntanda yaaluka ke mitumba ne biselebwa, kabiji bintu byonse, kechi nkobiji ne, kechi nko biji jibiji ne, kabiji ntanda ibena kusukana nobe muntu wapendwa ubena kubwela ku nzubo bufuku, ne tubaangabanga twakana kusama, ne kupona kufuma mwiulu, kabiji ne ng'odo waaluka ke mashi, kabiji ne—ne juba wafita ne kufya kilungi kyajo, pa kumona Mwaana muntu kasa eya, obewa ukasama mu bololoke bwa Yesu Kilishitu, pakulupuka kufuma mu kilende nobe mwanyike, mwanamukazhi walamba, na kusenda kyefu obe, ne kwikala myaka ne myaka ne myaka, kabiji ne mankulo onse a Peenape obewa ukekalangatu na bumi. Abyo Mupashi Wazhila byo aikelako.

Inge ubena kumvwa kikoka kyapelako, kechi Wikikane ne.

¹⁵⁵ Nga Mupashi Wazhila kyo kika? Lesa mwi obewa. Waikelako Mambo ka? Kutwajijila kwingila mwingilo Wanji mukachi ka bantu Banji; mu kuleta Kipwilo Kyanji pamo, mu kuleta Kipwilo pa kifulo mu jino juba, kukilaila palepa bena Luther, Methodist, kabiji ne ba Pentekosito, mun kifulo kya kwikajikwa bubaana ne lusa lwa Kuya mulapicha. Kuuba mba, umvwe alwe lubaji lwa Kipwilo, inge Mupashi waenda kuya mu kikye Kipwilo kuno, kikasanguka; kabiji kikaleta, kuleta bonse bakulwa ba kwachilwe kuyewa Mupashi.

Aba Benaluther baimene na kyeya kyonse lo bajinga nakyoy, mu kuleta lubingisho; abo ba Methodist baponejile panshi, kabiji ne kwikusa meema mu kilungi kyabo, kufuma ku Mupashi wibafikila kupichila mu kutokeshiwa; aba Bapetenkosito, aba baendelenga kuya-ne-kubwela mu mukwakwa ne kwibatela mba “jimi-ya-mapwapwa,” kabiji, oo, “bakikukuma,” kabiji “mu mulaka wa mashipe,” kabiji ne byonse bya; bakemana mu bololoke, ku meso akwa Lesa mu joja Juba, byonka byaimana yuwe Baibolo pano. Inge mwaketekela mba amiwa ne kalume. . . Anweba mu ngita mba ngauzhi Wanji; Amiwa kechi neita amiwa mwine byobyo ne. Bino, telekai, Mbeni kwimubula mu Jizhina ja Nkambo. Aba baji mwi Kilishitu Lesa ukebaleta Nanji pa Kwiya Kwanji, pa lusanguko, kabiji bonka baji mwi Kilishitu.

¹⁵⁶ Twakonsha kutwelamo byepi mwi Kilishitu, balunda?

“Monka mu lufunjisho lumu lwa bantu motwatwelela mukachi”? Ine.

“Monka mu kwiimuna kuboko kumo twatwezhiwa mukachi”? Ine.

“Konka ku meema amo atweba bonse twabatizhiwa mukachi”? Ine.

Nangwa, “Kupichila mu dinominesheni imo atweba bonse twi dinominesheni watwela”? Ine.

Bino, “Monka...” Mutanshi Kolinda 12:13, “Konka ku Mupashi umo,” Mupashi Wazhila, Mupashi wakwa Lesa, “atweba bonse tujitu...” Methodist, Baptist, Lutheran, Presbyterian, “Endai mu Kyeya, byonka byo Aji mu Kyeya, tuji na lumvwang’ano lwa bupopweshi lumo, kabiji Mashi a Yesu Kilishitu, Mwaana wakwa Lesa, etutokesha kufuma ku bumbulwa koloka bonse.” “Konka ku Mupashi umo atweba bonse kotwabatizhiwa mu Mubiji umo, kabiji twaikala ke bakutambulako lusa Lwanji.”

¹⁵⁷ Kechi mwakonsha kuya ku Buchibishi bwamambo ne. “Aye umvwa Byambo Byami ne kumwitabila.” Kafwako muntu wakonsha kuketekela ne kanatu waikala na Mupashi Wazhila. “Kabiji waitabila mwi Aye Wantuma,” umvwe Mupashi Wazhila wapana lushimuno lwa lusanguko Lwanji. “Uji na Bumi Bwapeenape, kabiji kechi ukeya muginje ne, pakuuba wapitaila kufuma kulufu kuya ku Bumi.” Kika? Obewa kechi ukakwatwa mu Luzhachisho ne. Obewa kechi ukemana ku Jitanda Ja kinje ne.

Obewa wakumanya buchibishi bwamambo obe ponkapona. Obewa wapitaila buchibishi bwamambo obe inge wapita ne kwamba mba, “Amiwa kechi nawama ne, kabiji kumvwa kwami kechi kwawama ne. Nkambo, iyai mwi amiwa, ne nkutola amiwa mutangijile, Nkambo. Amiwa kechi natako muchima na byaamba ntanda ne. Ntangijilai, Nkambo, konka ku Mupashi Wenu.” Obewa wizhachisha pa kyokya kimye. Ichibile obewa mwine kwikala wakosama wakwa Kilishitu, ne, mu bololoke Bwanji, aja Juba tukemana babula kufwa mu kipasha Kyanji.

¹⁵⁸ Jishindatu jimo. Mujishinda ka? “Konka ku Mupashi umo ko kotwabatizhiwa ke Mubiji umo.” Kabiji umvwe uji mu yewa Mubiji, buchibishi bwamambo bwazhachisha kala yewa Mubiji, kabiji obewa wamutambula Aye nobe futo ya mambo a bubi bobe.

Waamba mba, “Amiwa nauba kyokyo, Mulongo Branham.”

Nanchi, inge Mupashi Wazhila wabwela na kupana katetesho nobe kiyukilo, awa Mupashi wakuletela mu Mubiji wa Kilishitu. Obewa wafutulukila kunyuma mu jishinda jikwabo, kabiji obewa wi kilengwa kipya mwi Kilishitu Yesu. “Obewa wapitaila kufuma kulufu kuya ku Bumi. Bintu byakala byafumamo, kabiji obewa wi mupya mwi Kilishitu!” Amena!

159 Oo, mwane, lekai ne mukajikizhe, Mwinakilishitu mulongo ne nyenga yami. Kechi uleke kukwe kusangululwa kukupite ne. Mwafwainwa kutambula Mupashi Wazhila. Kyokika? Aye Mupashi wakwa Lesa. Kika kyo Apanyijilwe? Mu kukutangijila, kukubuula, kukuyuzha, kukutokesha, kukufumyamo, ne kutwela mu Kipwilo.

Kipwilo kyo kika, kyambo kya *kipwilo* kyalumbulula ka? “Baitwa, baabanwa.” Oo, Nakonsha kutola byepi busapwishi kufuma ku kyokyo ponkapano! “Baitwa, baabanwa,” benyi, bafuma mu ntanda, bakang’enda ne benyi, babena kwamba mba kechi tujipo na muzhi wa panopantanda ye tukeba kwikalamo ne. Oo, ami!

160 Nobe Abulahama, ne Izaka, ne Yakoba, baendelenga, na kwikala mumatete mu ntanda. Abo bashimwinenga mba bakang’enda ne benyi, lukunwa wa buswany, buswany kunyuma kokwa; ye taata, ye swanyi. Atweba yetu kunwa yabo. “Kabiji abo bapembejilenga Muzhi Ao Tungi ne Mulenga ke Lesa.” Amena. Abo bakebelenga.

161 Kabiji, leelo, lukunwa wabo ukijitu ubena kukeba Muzhi kwiya, ne kwamba mba, “Amiwa kechi mbena kukeba kupashang’anya ku ino ntanda ne. Amiwa kechi nkebapo kintu nangwa kimo kyakuba na ino ntanda ne. Amiwa mbena kukeba, Mbena kupembelela Muzhi ao washimikwa na mbaji ina yaesakana. Amiwa mbena kukeba Muzhi uji na Bumi Bwapeenape, amo juba kechi jikazhika ne, amo mukabula bukote ne, amo mukabula kwikala kyakushikwilako, nangwa kilende kulubaji lwa katumbatumba ne. Amiwa mbena kupembelela yewa Muzhi, Ao Tungi ne Mulenga, wa Lesa.”

162 Kujitu jishinda jimo ja ku mutainamo. “Kwajinga Jibwe jachibilwe kufuma ku mutumba, kwakubulwa maboko, ajo jaalumukijile muntanda ne kwiishatakanya, kabiji ya alukiletu ke nobe wichi. . . nangwa mungu pa bipujilo.” Lekai aja Jibwe, ye Kilishitu Yesu; aja Jibwe-jakwitutulako ntanda, Jibwe ja luzhachisho, Jibwe-jakusekwa, jibwe-jakwitutulako kipwilo; bino jawama ne Jabuneme ku waitabila, Jibwe ja luketekelo, Jibwe ja kukokolokelamo. Oo, ami!

Kukokoloka! Nayuka mba Napitaila kufuma kulufu kuya ku Bumi. Mweo wami ubena kukokoloka. Oo! “Iyai Nkoji anweba bonse nwanemenwa na mingilo, kabiji Nkemupa kukokoloka kwa mweo wenu.” “Ki—kiyukilo kya kwambilwa byatama,” byaambile aye—aye ngauzhi kwi Maliya. Kikekala ke kiyukilo, kine, byo kikekala. Bino Kikekala ke luketekelo. Kikekala ke butemwe. Kikekala ke buwame. Kikekala kintu kyo mukayuka mba wapitaila kufuma kulufu kuya ku Bumi.

163 Mulongo wami, nyenga yami; nobe mulongo wenu, nobe kalume wenu mwi Kilishitu, lekai ne mukajikizhe, na muchima wami yense. Kechi muleke kikyepi kute pa mutwe wenu ne,

nangwa kiye ne anweba ne, nangwa panshi yenu ne. Kitambulai Mu muchima wenu, kabiji mukekala muntu walusekelo panopantanda.

Amiwa kechi mbena kulaya mba mukatambula mamilyoni dola ne. Ine, mwane. Mulongo Leo, Naketekela mba kuji byavula byobalaya bya yewo mutundu kimo pakino kimye, “mamilyoni ama dola,” bintu byo baambile bapusanapusana. “Inge obewa yobe Mwinakilishitu, wafwainwa kutambula mamilyoni dola kabiji ukekala muntu wabunoshi.” Amiwa kechi mbena kulayapo kintu nangwa kimo ne.

Amiwa mbena kulaya kikye, kintutu kyo Nakonsha kukulaya: Lupulukilo Lwanji. Lusa lwanji lwakumanyina mu lweseko lonse. Bantu pa Pentekositi, kechi bakebelenga ne byobabula ne. Pano ambai pa mamilyoneya? Abo kechi bakebelenga byo bajinga nabyo ne, Nyenga Angie.

¹⁶⁴ Nakonsha kutemwa obewa ne nyenga Gertie kwimba, juba jimo jibena kwiya (Uji kwepi?), *Mulungu Wakwiya kunzubo*, juba jimo ja ao moba. Bavula ba mwi abo bapitaila pa mupaka kufuma pa kyokya kimye. Oo, ami!

Abo kechi baipwizhe bintu bikatampe ne. Abo kechi baipwizhe mali ne. Kika, Petelo waambile mba, “Siliva ne golonde Amiwa kechi nji nabyo ne, bino nobe byonka byonji Nabyo, Amiwa nkapana kwi anweba.”

Kabiji Naamba kyokyo bufuku buno, balunda. Luseko, butemwe, luketekelo, lonji Nalo lwa Kilishitu ne lusanguko Lwanji, byonka byonji Nabyo, Napana kwi anweba; Napana kwi anweba, nobe baana bakwa Lesa.

Kabiji anweba mwaishile na kwikala pa musalabu inge Lesa wimwichile, kabiji kechi mwimanepo ne. Inge mwaiya keesha bufuku, mukeye nakutwela mumwe kabiji ne kwikala poso kyapwa, nangwa kwiya na kulomba ne kubika maboko pe anweba. Yanga . . .Ao ye ndonda ya Baibolo, bika kuboko pe abo na mambo a Mupashi Wazhila. Kabiji pano atweba tubena kuya, yainga ku nzubo yenu . . .Inge mwaikala monka muno, inge mwaikala bufuku bonse, ikalai kufika juba jalondelapo, ikalai mu kimye kya kukokoloka, ikalai poso mutanshi wa mumwaka, kabiji ikalai monka, ikalai posotu.

¹⁶⁵ Akyo, kyonse kyo tukakambizha keesha bufuku, kwimumweshu mu Baibolo bintu byafwainwa kwiya, bikeya. Kabiji inge Kyaiya, kechi kujipo ba diabola bavula ba kumanyika ne. . .Mwayuka mba wapitaila kufuma kulufu kuya ku Bumi. Obewa ke kilengwa kipya mwi Kilishitu Yesu. Aaa mabbelu a lusekelo Mwiulu akavuma.

¹⁶⁶ Mulongo Othal, Mbena kunkubuula, kikubikatu mu mujilo. Awe nsongwalume mukulumpe waikala papo, mulongo wami mukulumpe, wajinga mujibumba ja bakwenda na buta kulubaji lwanji, na kukeba muntu ku koonu, muntu ye bakonsha

kufumya bongo. Kabiji kika kyamwekele? Juba jimo wamwene ne kuketekela mu Bumi. Kabiji waile konka. Aye walondelanga mpwijilo yami. Kabiji mulongo kamulanda, kwakubula bya kuja byavula ne, kabiji walalanga mu bipupu ku lubaji lwa tete, na kufwa nzala ne kumvwa kilaka. Kabiji juba jimo Mupashi Wazhila waishile. Oo, mulongo wami, wakupipwile, kechi ibyo nenyi? Waletete Bumi, ne kufumyapo lufu. Bushinkwe bwafuminepo, ne butemwe bwapingilepo. Oo, ami! Bulwanyi ne lutobo byafuminepo; Bumi bupya bwaishilepo.

Talai kuno pa bimye bikwabo, bimye bikwabo, kabiji ne kupita momwa. Oo, mabelo alusekalo avumine Mwiulu! Balunda, kechi kujipo jishinda ja kwikyambilamo ne.

¹⁶⁷ Telekai, kyo Nakonsha kuleka kikye, inge waketekela lushimuno lwami, nobe kalume wakwa Kilishitu, kabiji naeseka kwimumweshwa kufuma mu Baibolo wa Lesa amba kijitu bulongo. Kabiji inge byambo byami byamweka nobe byaikalako byenyi pa kikye, monai pa kyokya kipikichala mu ntanda ya masayaasi. Monai kipangwa, amba awa Mumbulungwa wa Mujilo watangijile Baana ba Isalela, monai kipangwa Kyapangilweko. Monai byo Kyuba, byo Kibuulang'ana.

Kechi ke amiwa ubena kwamba ne; ke Aye ubena kwamba mwi obewa, mwamona. Kechi ke amiwa umona kimwesho ne; ke Aye wamba kupichila mwi obewa. Kechi ke amiwa ubuka bakolwa ne; ke Aye uji mwi obewa, ubuka bakolwa. Kechi ke amiwa usapwila ne; Amiwa ne wa moyo wakwine kunyuma, kabiji nanyemenenga yokaya milanguluko, bino ke Aye wambilamo. Amiwa kechi nayuka Kyambo ne; bino Aye Wikiyuka. Byokiji. Byokiji. Abye byokiji.

Kabiji byo aji Aye. Kabiji awa Malaika umo wa Lesa uji monka muno mu kishimikwa bufuku buno. Oo, byo Namutemwa Aye!

¹⁶⁸ Pano baanga babena kukeba kutambula Mupashi Wazhila? Mpimai bumi bwetu. Baanga babula Kumutambula, kabiji babena kukeba kumutambula? Sutulaiko kuboko kwenu, ne kwamba mba, "Mulongo Branham, kufuma panshi ya muchima wami, Nasaka kutambulwila Mupashi Wazhila." Lesa emupeshe, konse konse.

¹⁶⁹ Baanga ba mwianweba bamutambula Aye, kabiji bakonsha kutemwa kuya byonka byo baubile mu Byubilo 4, ne kwaamba mba, "Anweba Nkambo, Anweba Nkambo, ntanyikai kuboko Kwenu kwa lubuko, kabiji ne kumweshwa biyukilo ne bya kukumya mu Jizhina ja Mwaana Wenu wazhila Yesu, kabiji mpai kuchichika ne butemwe, bwakwamba, kabiji ne kuyuzhiwa kupya"? Ee, awe ye wami, ne amiwa. Lesa, Kipanai kwi amiwa.

Twayai tukunyike mitwe yetu, mu bukishika bwa mu michima yetu, muntu uji yense akwachijile nkebelo ya mu muchima wenu.

¹⁷⁰ Nkambo Yesu, tuji peepi na kupwisha bufuku buno, panyuma ya lumvwang'ano lwa mu Kyambo ne Mupashi Wazhila. Nga byo Etupesha ne kwitulwila mu michima yetu manyi ya Kyambo Kyanji! Kuji bamingilo, muji bantu muno bajinga na misango yonse ya bwikala bwa bumi, abo bamona ne kutopa mba Nkambo wawama. Twayuka Mupashi Wazhila byo aji pano, ke mulaye wakwa Lesa. Ke Bumi Bwapeenape ku bonse mo bavujila bamwitabila.

¹⁷¹ Kabiji twayuka mba Mupashi Wazhila wajinga Mupashi wakwa Yesu Kilishitu watumina, kabiji Aye uji mwi atweba leelo. Nobe Lesa byo ajinga peulu yetu, mu yewa Mumbulungwa wa Mujilo; kabiji Aye waendele ne atweba, mu...mubiji watelelwe mba *Emanuele*, "Lesa tuji nanji"; kabiji pano Aye uji mwi atweba, na Mupashi Wazhila, Lesa mwi atweba. Oo!

Yesu waambile mba, "Mu joja juba mukayuka mba Amiwa nji mwi Bataata, kabiji anweba muji mwi Amiwa, kabiji Amiwa nji mwi anweba. Anweba mukekiyuka pa joja juba. Mambo, anweba muji mu ntanda ya fishi, nobe kwamba mba, bino, pa joja juba po mukayuka."

¹⁷² Taata, kechi kyakonsheka kulondololwa bulongo ne kulumbululwa ne, mambo nishi kechi twakonsha kwikala na lwitabilo ne. Pakuuba mingilo yonse yakwa Lesa itangijilwa na lwitabilo. Kabiji konka kulwitabilo mu Kyambo Kyenu, mu bukamonyi bwa Mupashi Wazhila byo twayuka pa kino kimye, Nalomba mba mweo yense uji na nzala muno ayuzhiwe na Mupashi Wazhila. Abo babula Ye, kabiji bafwa nzala Yanji, vulukaitu mba... Twakonsha kwamba kwi abo mba, Nkambo, nobe bibye byo Mwaambile, "Watokwa obewa umvwe waumvwa nzala ne kilaka. Obewa ukayuzhiwa." Awo ke mulaye. Kabiji kiji ne na mapesho kwikalatu na nzala. Anweba mwapesha ne pa kuyukatu mba Lesa ye waamba kwi obewa, mambo Kyaamba mba, "Kapaji nangwa umo wiya kwi Amiwa ne kanatu Ba Taata bamukoka patanshi."

¹⁷³ Kabiji, Nkambo, aba bakala muno, baji kusutula maboko abo. Ne amiwa naji kusutula kwami. Anweba Nkambo, tupai bulume, tupai Bulume bwakutanyika kuboko kwa Mwaana Wenu wazhila Yesu, pakuuba mba biyukilo ne byakukumya byafwainwa kubiwa, pakuuba mba ekale ke mwingilo wazhika, kintu kikatampe akyo kyabula kumwekapo kala ne. Tupai kuchichika kabiji ne butemwe, bwa kwamba ku bantu. Kiswishai kye, Nkambo. Ikalai ne atweba mu bintu byonse, twaipuzha mu Jizhina ja Yesu.

¹⁷⁴ Kabiji keesha bufuku, Nkambo, lekai kukeye mwela mukatape upupa, ne kupona mu kino kishimikwa, kyakuuba mba kikekalatu pamo nobe Juba jikwabo ja Pentekositi. Kintendekesho kyashimikwa kala. Bintu byonse byanengezhiwa. Ng'ombe waipaiwa kala, banuna baipaiwa kala, bamikoko

balume baipaiwa kala; tebulu wabikwa kala, benyi baitwa kala. Anweba Nkambo, tumai yubili wa Pentekositi, keesha bufuku, mu kino kishimikwa, kabiji uyuzhai mweo yense na lubatizhilo lwa Mupashi Wazhila. Kiswishai kye, Taata. Twikipuzha, mu Jizhina ja Yesu. Amena.

Tufunda bintu byavula,
 Tuji na kisekeseke kyalengwa kya golonde,
 Kapepo mizhinge kiumbi kimo;
 Tukemba ne kubijika ne kuzha,
 Aye Mwanamukoko ukomisha mipolo yetu;
 Tukekala na mulungu umo mukatampe wa
 kwiya ku muzhi,
 Aya myaka itanshi ya teeni sauzande. (Amena!)
 Aaa Mashi awama a Mwaana Wanji Lesa
 etutokesha ne kwituzhijika
 Bantu bakukumya ba Jizhina Janji kabiji
 batelwa mba Musongwa.
 Nangwatu walengululwa ne kusuulwa, juba
 jimo aye Nkambo ukaleta
 Aba basalululwa bakekala mukachi kasakwa,
 kabiji bobafikilamo mu bintu byonse.



KIKA MUPASHI WAZHILA KYO APANYIJILWE? KDE59-1217

(What Was The Holy Ghost Given For?)

NDOONDA YALUFUNJISHO LWA MUPASHI WAZHILA

Ino Mbila na Mulongo William Marrion Branham, yalupwilwe patanshi mu Kizungu pa Kina mabaanga abufuku, Kuvumbi 17, 1959, ku Branham Tabernacle ku Jeffersonville, Indiana, U.S.A., byafumishiwa pa tepu ukwata ne kufyatula kabiji bya nembwa mu Kizungu kwa kubulwa kupimpulwa. Ino ntuntulwilo muki Kaonde ya nembelwe ne kusampanya na ba Voice Of God Recordings.

KAONDE

©2023 VGR, ALL RIGHTS RESERVED

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org

Kayukilo ka kuvuzha

Luusa lonse luji kubene. Awe buuku mwakonsha ku mupulita ku kya kupulitako kya pa nzubo pakuuba mba anweba bene mwakonsha kumwingijisha nangwa kupaanwa, kyatuutu, nobe jishinda ja kunsampwilamo Mambo awama a Yesu Kilishitu. Awe buuku kechi wakupotesha ne, kulengamo avula, kutumwa palubesha, kufiwa mu makopyuta, kututululwa mu milaka ikwabo ne, nangwa kwingijisha mukumwenamo mali kwakubula kuswisha kwanembwa kufuma kuba Voice Of God Recordings®.

Pakukeba kuyukilapo bikwabo nangwatu mabuuku akwabo, mwane tumai pa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org